

I KULIZIBYA KWA KRISTO

MU MAKKALO OONSE

 Nda langanya eci kuba coolwe cipati kuba kookuno sunumasiku. Nciindi cangu citaanzi cakusola kuba okuno mu dolopo eli bbotu lya Birmingham. Oh, Nda kali kuyanda ku boola, ziindi zinji. Pele kuboneka kuti kula beleka koonse, alimwi Mwami ulaa ziindi zibambidwe Zyakwe Mwini ku zintu, aboobo eyo nje nzila Mbwa cibamba. Tuli lumbide ku ciindi eci, abaaba basikugwasilizya bali kabotu.

² Elyo lino sunumasiku kubaanga nkwa... Lyoonse tuba aku baanga nku ii—ii mbusiku bwa kuzibilana. Elyo, nywebo mulizi, cindi wanooli mu buyake buli boobu, omo muli... kwata kabelesegwa kuswaangana kwa mu mbungano, Nse yeeyeli. Ndi mvwa kuti mbusena bwa kuyobweda zilwanyo. Antela buyo nzya kuyiila antela, a kusaana misobano, a zimwi zimbi. Ta kuli mbuli kuboola mu mbungano. Oko yebo... Ndi syoma kuti mu mbungano mu jisi Muuya wa Leza uliko, alimwi kuboneka mbuli kulimvwva kusetekene. Pele cindi wa njila mu busena oko kuli zya kudana akulisangabalisya, alimwi ziindizimwi kulilemeka kumwi kubyabi, mpawo kuboneka kuti nciyumu katalika kwa kaindi kaniini, kusikila mwa zibilana umwi aumwi. Elyo, mpawo, toonse mukuba beenzu, umwi kuli umbi, cicibamba ku baanga... Ee, tula langa a kugambwa. Pele ikuti na twa sola kutantamuna eco, caku fwambaana mbuli mbo kukonzeka.

³ Elyo—elyo amuyeeye buyo kuti tuli kookuno ku kubelekela Mwami Jesu. Tuli kookuno ku kucita nco tukonzya, zintuzyonse nzo tu konzya, ku kusumpula Bwami Bwakwe. Elyo Ndi bikka kukonzya kwangu. Elyo Ta-Ta ndikonzyi kucicita endikke. Ciya kutola lugwasyo lwantu a lugwasyo lwangu, antomwe a lugwasyo lwa Leza, antomwe a Nguwe tuyu konzya ku bona bulemu bwa Leza kabuseluka a ku tuswaya. Elyo nce ncico ncotu yanda kapati, ncencico nco tuli kookuno, nku swaingwa kuzwa kuli Leza.

⁴ Lino ta tuli banji mu mweelwe, alimwi ta tujisi mabbunga abantu mapati loko. Ta tuko kkala kwa ciindi cilamfu loko. Elyo cintu cimbi, Ndi... Mulumbe wangu kanji ngwa ku bantu ba Makani mabotu azwide. Kuli aa mbaakani, nekubakuti bantubonse balasika.

⁵ Tula kombela baciswa. Alimwi ta tutaminini kuba basikuponya na muntuumwi ukonzya kuponya muntu umwi. Tu syoma kuti kuli musilisi omwe biyo, oyo ngu Leza. Pele tula syoma kuti Wa kasala bantu baku kombela baciswa, nkabelia

tula cita obo. Tula kombela baciswa. Elyo Mwami wakali siluzyalo kuli ndiswe, ku kuvviila mipailo yesu, ziindi zinji loko. Elyo swebo, ku nyika yoonse, twa kabona, ee, kuvuzigwa buyo zyuulu taimuzi zyuulu zya bantu, batyokede, bapengede, boofu, balema, basunkuta, bakaponesegwa. Elyo tu syoma buyo kuti tuli buyo...kuti, "Wa kayaswa nkambo ka nsotoko zyesu; ku mibunda Yakwe twa kaponesegwa." Elyo tula syoma kuti olo ndugwasyo, eco ncoolwe ca, ku basyomi.

⁶ Lino, ta kuli kwa batasyomi. Bantu balati, "Ee, Nse—Nse syomi kuti eco inga cicitika." Ee, ta cika citiki kuli nduwe. Yebo buyo—buyo kocibamba eco, ta cika citiki kuli nduwe. Pele ciyo cita kuli baabo basyoma, nkambo nca basyomi biyo.

⁷ Lino eco tacitu bambi kuba basilisi, naanka kukambauka lufutuko taku tubambi kuba Mufutuli. Tu—tu lizi kuti kuli musilisi omwe a Mufutuli omwe, alimwi oyo Muntu nguwenya, Jesu Kristo. Tuli kookuno kuti tu Mu lemye ku bantu.

⁸ Lino, lubukulusyo taluli maningi ku kuyungizya mamembala mapya ku mbungano. I lubukulusyo ndwa kubukulusya eco nco mujisi kale. Elyo ziindizimwi Nda kalibuzya kaambo ka lubukulusyo kuti ndwanzi.

⁹ Eci inga calimvwisywa bweenzu aniini, ku mweenzu kuli nduwe, kwaamba ceeci. Pele Nda kaliimvwi kumbali ya nkomwe iya lwizi, buzuba bumwi, mu Lwizi lwaku Michigan. Nda kali kweebela mayuwe, nzila mbwa kali kusika a kumwaika, nkabela akali kusotoka. Oh, yakali myuuwo yanguzu loko yakali kuunga, alimwi—alimwi mayuwe akali kukupaika kulaale mu luwo, a kukopana mujulu a ansi, a kupoomoka mukati a kujokela kuzwa, a kupoomoka mukati alubo. Nda kayeeya, "Ma, ino ndubukulusyo!" Pele, nywebo mulizi, ta kukwe maanzi ambi mu lwizi olo kwinda cindi noluli kabotu a kuumuna ncobeni. Mbo mbubo. Lu jisi musela nguonya wa maanzi. Mwabona?

¹⁰ Mpawo Nda kalibuzya, nkaambonzi lwizi nco lunyanyamukide koonse? Mbubonya buyo mbo tu nyanyamuka mu lubukulusyo. Tula kupaika koonse. Nywebo mulizi mbo lucita ku lwizi, akwalo? Kula salazyta. Kula sanzya kugusya mankwisyita kwaabikka aankomwe. Aboobo nke kaambo nco tuba a lubukulusyo; kugusya kutasyoma koonse a zintu kuzwa kuli ndiswe, kutegwaa inga twa bona kabotu eco Leza nca tuyandila. Eco nco tulangila kapati ku ciindi eci, ndubukulusyo aakati ka bantu.

¹¹ Lino, mugwasyi wangu, Mukwesu Urshan, bakwesu aba awa, alimwi antela bamwi bali kkede mukati omuya. Lino, balo mbakutausi ba Leza, mbubonya buyo mbuli Ndime na boonse bakutausi bambi. Elyo i...

¹² Jesu wakati, ciindi cimwi, "I Bwami bwaku Julu buli mbuli muntu wakatola kanyandi a kuya ku lwizi. Elyo cindi na kawaala kanyandi mukati, wa kakakwelela anze, nkabela omuya wa

kajisi misyobo yonse.” I kanyandi ka Makanimabotu kala jata misyobo yoonse, lino, yoonse misyobo ya nswi. Mwabona, antela zimwi zyayo, kwaamba, zyakali salamanda, zimwi zyayo zyakali nzoka, zimwi zyayo bakali basiluibilili, zimwi bafulwe, a—a zimbi, a zimwi zyayo zyakali nswi zini. Aboobo, ta tuzi ca kuca mu kanyandi, tu zela buyo.

¹³ Elyo lino Nda boola . . . Kuzela kobile kuyo sakana kwiinda kuzela komwe, alimwi Nda boola kuteya kanyandi kangu. Kwalo nkuzela. Mbo tu kwiita, kutala kulaale ku Nyiika, ii *kuzela*. Elyo Nda boola ku—ku waala kanyandi kangu antomwe a tunyandi twabo, tunyandi twanu. Elyo atu waale kule maningi, kuciimo mbo tu konzya. Elyo kubikka tunyandi twesu antoomwe, a myoyo yesu antoomwe, a kukonzya kwesu antoomwe, alimwi atu kwelele mukati, ku kubona na kuli nswi ezyo Simalela nzya konzya kubelesya. Elyo Ngo Nguwe ubeteka ceecho. Ta tuzi. Zyoonse ziboneka kukozyanya kuli ndiswe. Zi ccegwa buyo mu kanyandi. Pele Leza ulizi kuti mbaani, alimwi wakali bazi kuzwa ku matalikilo. Aboobo tuli basikuzela buyo, ta tuli babetesu ku kubeteka kuti nguwe alimwi tali nguwe. Tu zela buyo, aboobo Ndili kookuno ku kumugwasya.

¹⁴ Elyo lino mvwiki eyi, amukcombe, amube ku luwaile, kukwiita muntu umwi, a kuba tamba kuya ku cikombelo, kuya ku busena okuno bwa kuyobweda zilwanyo. Tu jisi buyo ciindi cisyoonto. Kulibiliika, bamba bantu kulibiliika elyo watandila buyo ku ciindi caku zibilana, a bantu basitikila, mpawo weelede kuunka kubusenabumwi bumbi.

¹⁵ Nda kalibuzya kanji, ziindizimwi, ikuti—ikuti na Nse kali kukonzya, bumwi bwa mazuba aya, kuba a tente a kunjila moonse mu dolopo pati mbuli leeli a ku liyaka, kutegwa inga twa kkala kwa mvwiki zisyoonto; a kuba muswaangano wa bakutausi cifumo, a kuswaana boonse bakutausi a kubandika cintu.

¹⁶ Elyo Ndi syoma kuti Mwami uyo leleka kusoleka kwesu mvwiki ino. Ndi syoma kuti ta kukabi kalo komwe, na whilucceya, kufumbwa mbocibede, ciyo syaala awa; na muntu omwe uuciswa penzi lya moyo, TB, kkulenge; pele oyo Mwami Jesu ngwayo ponya. Ndi nokomba.

¹⁷ Nse swayi maningi, nkaambo, nywebo mulizi, oyu musyobo wa mulimo. Tauli wakuti Nse yandi kuswaya. Pele nkwa kuti Nse—Nse—Nse konzyi kubelekela Leza a muntu mpawo, ku ciindi comwe. Nde elede kuli tantamuna kuba endikke a kukomba. Elyo Ndino cita boobo nkambo ka ndinywe. Elyo muno cita cibeela cimbi, kubunganya a kunjizya bantu mukati, a zimwi zimbi, a kuleta baciswa a bapengede; a kundi kombela, umwi aumwi kundi kombela. Eyo nje nzila mbo tujana luzundo.

¹⁸ Lino buyo kubaanga nkubikka ntalisyo ya ceecho nco tusola kucita. Swebo, busena butaanzi, ta twiiminini kabungwe kamwi;

kulwana kabungwe kamwi, pele ta twiiminini kamwi. Twi iminina . . .

¹⁹ Nda kananikwa, Missionari muna Baptisti. Elyo mpawo Nda kajosya kkaadi lyangu lya luswaanano, kutali luswaanano a bakwesu, kutegwa Nta kaimininwi akati ka nkamu zimwi. Nda kaboola mu Pentekoste, cindi Ne kaunka kuyo kombela baciswa nkabela ndaka tumwa kucita boobo. Nda kaboola akati kaba Pentekoste, elyo Nda kajana kuti, kayeeya kuti kwakali buyo nkamu yomwe yabo, pele kajana kuti kwakali nkamu zinji ziliko mbuli zya Baptisti ziliko, zyalo zyandeene. Aboobo Nda—Nda kabona kuti bakali kukwankwana, alimwi bakali kukwankwana mu Baptisti, kujatikizya *eci*, *eco*, a *cimbi*, aboobo Nda kabaleka buyo kabakwankwana.

²⁰ Elyo Njo sola kubukata muntuonse, a kwaamba kuti, “Toonse tuli babunyina. Atu belekele buyo Mwami.” Elyo oko koongelezya kuniini Nkwe konzya, Nse kubikki aa kabungwe kamwi pe, ali Kristo buyo. Elyo swebo tu . . . Elyo tu sola ku Mu belekela munzila eyo.

²¹ Muntu onse uli tambidwe, takukwe makani. Muntu onse uli tambwidwe. Kufumbwa kuti ula lilemeka a kuba mu ncililano, baa, uli tambwidwe buya mbuli mbo konzya.

²² Lino, cintu cimbi, ncianza cesu ca ku kombela baciswa. Lino, buzuba abumwi, Mukwesu Borders, na Terry, na Mukwesu Sothmann, na Billy Paul na . . . Kanji, ngu Billy Paul. Eyo nje ncito yakwe. Elyo ikuti takonzyi kuba kookuno, uyooba mwaalumi umwi wabaaba uno vozya makkadi a mipailo buzuba abumwi. Bala cita eco; kuselemuka, kubweza makkadi aa mipailo, mwaanda wayo, a kwaasanganya oonse, nkoonya kumeso anu, elyo mpawo kupa bantu makkadi, abo bamwi bayanda. Lino buzuba abumwi bala cita eco. Kutegwa, cindi ni twa katalika lutaanzu, twa kajana kuti mwa keelede kubaa makkadi aa mipailo. Tabuli busena bwa kulisangabalisyu, nywebo mulizi, kutontana umwi aumwi. Nku . . . Mwe elede kucibikka mu ncililano.

²³ Elyo mpawo tu jana muntu umwi kasola kusambala makkadi aa mipailo, a kusyomezya bantu kusika atala, aa cibumbili. Elyo aboobo, eco, kacita kulesya ceeco. Elyo mpawo Nda kabikka mwana wangu wini kuli ceeco, nkaambo Nda kalizi kuti nata kasambala lyomwe.

²⁴ Mpawo muzeezo wakasika, “Kondipa kkadi limwi lya mupailo. Mpaali mpoya kutalikila kuba kombela, sunumasiku? Elyo mpawo Ndiyo—Ndiyo komba . . . Ndi yanda kkadi eelyo lya mupailo.” Ee, kubamba mulombe oyo masimpe kuli ceeco kuti, peepe, ta zyi awo mundando wa mipailo mpouya kutalikila, ula sanganya makkadi, elyo mpawo kwaapa kuli ndinywe. Ta zyi limwi ndya kupa. Walo ukupa buyo kkadi lya mupailo. Umwi

inga watambula lya mweelwe mutaanzi, umwi wajana lya fifite, alimwi—alimwi abumwi.

²⁵ Elyo mpawo kuyungizya eco kobile kusule, Nda selemuka busiku obo, alimwi taakwe umwi, alimwi Ta ndizi, lwangu, oko Nkwewo talikila kwiita makkaadi aa mipailo. Inga ndatalikila kuzwa kuli lya wani, alimwi inga Nda talikila kuzwa ku twenti faivi. Inga ndatalikila kuzwa ku seveinte faivi na mwaanda, a kubeleka kuya bupilukila; sikisitiini, a kuya kumbele elyo mpawo kujokela kusule. Uli onse wakasola kuba mu muswaangano, ulizi kuti tu cita boobo, kuzembaana buyo, kuli koonse.

²⁶ Elyo, mpawo, buzuba abumwi. Lutaanzi, tula selemuka a kuvozya boonse makkadi aa mipailo, buzuba butaanzi; mpawo baswayi bapya bamwi banjila, bala kakilwa kujana kkadi lya mupailo, eco caka cibamba, tiiba kakombelwa kuciindi ca muswaangano. Pele lino tula bavozya, buzuba abumwi, kutegwa umwi onse uyanda kkadi lya mupailo inga wajana lyomwe. Ndiza busiku bomwe ta tusiki kuli boonse babo, pele, kojisi kkadi lyako, tuyu libweza kakutanaba kuzwa.

²⁷ Lino, pele kuli baponesegwa banji, banji mu mbunga, banji kwiinda baponesegwa kwiinda cindi nibali ano aa cibumbili. Lwalo ndusyomo lwako olo lucita kuponya. Ta uli mupailo wesu. Mupailo wesu uyo gwasya, kwiina kuzumbauzya. Toonse tuboola antoomwe, ku mukombela, uyo gwasya. Elyo ikuti . . .

²⁸ Elyo mpawo Munsondo isikati, na Mwami wayanda, tuno kombela umwi aumwi, kubwezelela makkadi abo aa mipailo a kukombela boonse; na ndiza masiku mu Mujibelo, umwi, ciya kuli umwi wa bakwesu uyanda kucicita.

²⁹ Elyo lino tu yanda kwaamba ceeci kutegwa mumvwisye. I kaambo Nce lesya mundando oyo wa mipailo, nku swaana muntu oonse, nkaambo mulazyo wangu, bukanze bwangu—bwangu, buli boobu, kuti bantu baka tambule Kristo mbuli musilisi wabo kakutakwe umwi uubikka maanza aali mbabo.

³⁰ Kanji, mwa bweza muvangeli, waboola ku dolopo, ee, walo ngu—walo ngu zintuzyonse mu mbungano. Cindi azwa, ziindizimwi mbunga ilanga ku mweembeli wayo, a kuti, “Ee, ino kujatikizya mweembeli wangu?” Ndi yanda kuti muzibe kuteeti mweembeli wanu walo muntu munaleza, nkabela Ndi yanda kuti mube abulemu a kuziba kuti mwaalumi oyo wakasalwa ncobeni ku kombela balwazi mbuli umwi umbi usalidwe. Elyo swebo—swebo tuyanda nywebo . . . alimwi—alimwi ku . . .

³¹ Akwalo yawe, bukanze bwesu, kapati, mbwa kuti mubone Busyu bwa Jesu Kristo, a kuziba kuti Mpali ano. Elyo mpawo, kuciindi mwanolli mu Busyu Bwakwe, amu Mu tambule buyo mbuli Mufutuli wanu a Musilisi wanu. Ikuti na tona futuka, ko Mu tambula mbuli Mufutuli. Ikuti na waka futuka, nkabela tona ponesegwa, mpawo ko Mu tambula mbuli Musilisi wako. Mpawo

taakwe umwi unga wati, "Mukwesu *Niini-a-niini* wakabikka maanza ali ndime." Peepe. Wa kabikka maanza ali Nguwe, mpawo nce cintu cipati. Lino Ndi yanda kuti mubikke eco mu mizeezo, ciindi coonse. Kwalo nkubikka ako...ku Mu guma. Elyo Bbaibbele lyakaamba, kuti, "Walo Mupaizi Mupati ukonzya kugumwa kwiinda kukulimvwa kwa kulengauka kwesu." Elyo lino koyeeya kuti, nduwe Umu guma. Kutali . . .

³² I mweembeli uli jisi nguzu zya kubikka maanza. Kubikka . . . Kutali biyo mweembeli. "Ezi zitondezyo ziyo batobela abo basyoma," basyomi biyo, kufumbwa umwi ubikka maanza a baciswa, uli jisi nguzu zya kucita ceeeo. Kwalo nkulizibya kwako a muntu, mu mupailo. Mboli buyo mbo bikka maanza ako, ku lusyomo, aali Kristo, a kulizibya lwako a Cituuzyo cako. Aboobo koyeeya kuti lino mbuli ii—mbuli mvwiki mboiyabuya, nkabela komba cakusiniza.

³³ Lino, Ndi yeeya kuti eco catandila ku cikkwanya lino. Elyo mpawo busiku abumwi tu soleka kufuma loko, mbuli kufuma buyo mbuli mbo tukonzya. Lino, tu talikila aa maminiti ali makumi obile aosanwe kutandila naini lino, ku wacci lyangu. Elyo ikuti na Mwami wayanda, tu yanda kuno kotoka aa naini theeti busiku abumwi, na ndiza kakutanaba, kutegwa mwa konzya kuba a ciindi cinji, kuya mu miinzi yanu a kujokela. Lino ikuti na to kombelwa, na akuta konzya ku kujata busiku butaanzi . . .

³⁴ Mulimo wangu inga waba mweenzu kuli nduwe aniini. Pele ikuti na mweenzu, uta usoweli buyo ku lubazu lumwi. Kokkala a kuulanganya; bweza Bbaibbele. Lino, Ndi syoma kuti Leza inga wacita zintu ezyo Nzya takalemba omu mu Bbaibbele, pele Nda Mu yanda buyo . . . Ikuti na Uya kubamba eco Nca kalemba *Awa*, Njo kkutila kwiinda kuli ncico.

³⁵ Nkaambo, tu pona mu mazuba a misyobo yoonse ya zintu zyeenzu, tulengwa twabuzumini tutali twamalembe. Pele, nywebo mulizi, mu mazuba akwa Nowa . . . Jesu wakati, "Mboli mbo kwakabede mu mazuba akwa Nowa." Nywebo mulizi, bantu antela bakayaka maato mu mazuba ayo, naa akapangwa aa Leza na pe, pele ta kaimpuka cindi nicaka sikila ngawo kuti aimpuke. Aboobo Nda botelwa Mulumbe kuti kuupangidwe aa Magwalo akwa Leza, Mulumbe Wamalembe, a mpoonya awo a Ngubo, zintuzyonse a Lugwalo. Ngu MBUBOOBU MBWAAMBA I MWAMI, mpawo. Elyo ceelede kwiima, nkaambo, talili ijwi lyangu libuzigwa, liyooba Ijwi Lyakwe libuzigwa. Ko cileta kuzwa ku Lugwalo!

³⁶ Alimwi tuli mu bubanze bucinka. Tuli mukucinca lino. Alimwi kucinca koonse, mbuli buyo kuyaka buyake, wa boola ku kkona, welede kubamba ku nyona oko, kwalo—kwalo nkweenzu. Bantubonse bayanda kuzuza nkoonya kugama kunselelo; inga mwaba buyo bwaanda bomwe bupati. Pele tu yaka buyake. Elyo

twa boola ku makkona, nkabela mweelede kucinca, makkona ayo. Mbuli Mukwesu Don Price akwalo kabotu, wa... alimwi kabotu loko cakatalika eno. Ku kucinca oko nko kuboola penzi, oko i... Nciyumu aa kkona eelyo, ku bamba, kunyona kkona a kucikonzya kabotu.

Lino katutana buyo kubala Ijwi...

³⁷ Busiku abumwi, Mukwesu Borders mweendelezi wamu masena amulimo, alimwi akwalo ula kanana aa cibumbili.

³⁸ Elyo Mwiyi Lee Vayle mpali ano amwi. Ndi yeeyela kuti wa sika awa. Wa kandi swaana mu Kentucky, keenzya mamaile ali makumi otatwe mu oora, kazwidilila mu Ford imbi. Elyo aboobo, kaselemuka, nkabela Nda kamuswaana. Elyo walo i—i muntu uupa makani ku buleya. Walo ula kanana, Nda yeeyela, kubusena bumwi ku muswaangano, kumwi buzuba abumwi. Aboobo ikuti na kuli mubuzyo umwi na kufumbwa cintu, baa, amu buzye Mukwesu Vayle, uyo konzya ku mugwasya mu mibuzyo eyi. Ncibotu. Lino mbuli mbotu...[Kabeela katakwecintu aa teepu—Mul.]

³⁹ Katutana kubala Ijwi, Ndi jisi ciyanza cakuti tula imikila mbuli mbo tubala Ijwi lya Leza. Tula ima cindi twa nolizya *The Star-Spangled Banner*, a kupa busyomesi, nkaambonzi kutaima kuciindi notubala Ijwi lya Leza!

⁴⁰ Ndila bala sunumasiku kuzwa ku Bahebrayo, cipati 13, kutalikila a kampango ka 1.

Amulekele luyandisyo lwabunyina luzumanane.

Mutabi baluba kusamausya beenzu: nkaambo kuli babo bamwi baka samausya baangelo cakutaziba.

Amu bayeeye abo bali mu bwaange, mbuli baange a mbabo; a balo bapengwa cabubi, mbuli mukuba lwanu akwalo mu mibili.

Lukwatano lula lemekwa muli koonse, alimwi bulo butasofweede: pele basibwaamu a basimamambe Leza uya kuba beteka.

Amu leke buumi bwanu butabi bwa kweemuzya mali; alimwi amu kkitile ku zintu mbuli nzo mujisi: nkambo wa ka amba, Nse kamusiyi, nanka kumu lekelezya.

Kutegwa tu konzye kwaamba a camba kuti, I Mwami mugwasyi wangu, nkabela Nse kayoowi eco muntu ncaya kundi citila.

Amu bayeeye abo ba jisi...ba mweendelezya, abo baakanana ijwi lya Leza kuli ndinywe: bala lusyomo ndo tutobela, kulanganya mamanino aa maumi bwabo.

Jesu Kristo mbobuca nguwenya,...ku buzuba, a muya myaaka.

⁴¹ Atu kotamike mitwe yesu aniini buyo, ku mupailo. Lino a mitwe yesu a myoyo yesu kikoteme, Nda libuzya na kuli nkumbizyo zimwi sunumasiku, zya kwiibaluka, mwalombwa mutambike maanza anu kuli Leza, kwaamba, kuli ceeco, "Kondi yeeya, O Mwami." Nda lumba.

⁴² Taata wesu Wakujulu, mbuli mbo tuswena ku Cuuno Cako cabwami Cabuleza mu Zina lili jisilidi lya Mwami Jesu, Oyo wakati, "Ikuti na mwalomba Taata cili coonse mu Zina Lyangu, ciyo pegwa." Elyo tuli lumbide kapati ku cisyomezyo eco, mukuziba ceeci, cakuti lusyomo lwesu lubindaanina nkoonya kubusena kwiindilila zimvule zyonse zya kuzumbauzya, mukuziba kuti swebo, ku lusyomo, twa ambaula a Leza Singuzuzyoonse cigaminina. Nkambo, calo ncisyomezyo. Elyo alubo kwa kaambwa, "Oko bobilo na botatwe nko babungene mu Zina Lyangu, awo Mpeli akati kabo."

⁴³ Lino umwi aumwi wesu uli jisi nkumbizyo, Mwami, mbuli mbo twa tambika maanza esu kuli Nduwe. Uli zyi ezyo zili mu myoyo yesu, kunsi kwa janza lyesu. Alimwi twa komba kuti Yebo utu vviile, Mwami. Kutali kuti tuleelela ku bwiinguzi, pele nkaambo Wa kasyomezya kwiingula. Wa kati Uya kucipa. Elyo Ndi lizyi Ula cicita, nkambo Yebo uli—Yebo uli Leza mupati wakalenga majulu a nyika, a Mubetesi wa majulu oonse a nyika. Elyo sa inga Wa amba cintucimwi eco Nco takali kukonzya kululamika? Nkule kuli Leza kucita eco cili boobo. Eco cibulide, ndusyomo lwesu lwa ku cisyma.

⁴⁴ Elyo twa komba, Mwami, kuti busiku obu buya—buya kuyumya yumya maningi lusyomo lwesu a ku citonta mu busena bwakuti tuya kweenda ancico, Mwami, kwiindilila kumvwisya. Kuti, ta tuka soli kumvwisya; tuyo syoma buyo. "Alimwi lusyomo ncintu ca zintu nzo tulangila, a cizibyo ca zintu nzo tuta konzya kubona na kutondezya." Tu cisyma buyo, alimwi ci... Leza ula cibamba kucitika.

⁴⁵ Elyo twa komba, Taata, kuti okuya, kuti—kuti Baangelo ba Leza bayoima mu mulyango onse, a mundando onse wa zyuuno, a ku—ku cuuno coonse; alimwi kuya kulamya basizibi, kuteeti—kuteeti mbo babede, bali—bali lubide, alimwi akube kuti bazumine Mwami Jesu, mpawo. Elyo abo batakwe lubbizyo lwa Muuya; akube kuti Muuya Uusalala uya kuwa kuciindi twa nokanana, alimwi kuciindi Busyu bwa Kristo bwa nooli kasimpe loko. Ko cipa, Mwami. Twa komba kuti taku kooba umwi uukompeme akati kesu. Akube kuti bantu boonse banjila milyango eyi, Mwami, bananikwe loko a lusyomo lwakuti bayo ponesegwa, umwi aumwi.

⁴⁶ Longezya bakutausi aba, Mwami, aya mambungano mu cisi coonse. Akube, kwiinda ku kaambo ka kusoleka oku kupati bantu aba nko babikka... Tuli bantu basyoonto, pele, nekubabooobo, Mwami, bantu abo basinizizye a basola kujatilila

Lusyomo olo lwa kapengwa ku basalali ciindi cimwi, akati ka mudima. Akube kuti kuboole lubukulusyo lwaciyanza cakale, lwalo, lupasuka buyo kwiinda mu mambungano masena oonse, a basalali bafwa nzala batalike koompolola, a basizibi kabazyalwa mu Bwami bwa Leza, mbuli basalali. Ko cipa, Mwami. Obo mbo bukanze bwesu. Mbo buli mu myoyo yesu. Tu soleka kucita ceeći ku lulemeko Lwako, Mwami, nkambo tu lizi kuti ta tujisi kunji maningi kwa kukkala.

⁴⁷ Tula bona nyika kiibimba a kuzungaana alubo, alimwi ali Bwasanu Bubotu, mbuli mbo caka cita myaka yakainda ili cuulu amyaanda ili fuka ali Bwasanu Bubotu. Elyo Wa kati kuyooba mizuzumo yanyika mu masena ansininsini. Tula bona zitondezyo zyoonse kazili bonya, nkabela tu lizi kuti ciindi caswena.

⁴⁸ Aboobo, Mwami, tu yanda kubeleka kuciindi notu konzya, nkambo, cindi buumi bwamana, ta tu cibeleki limbi. Elyo twa komba, Taata Wakujulu, kuti tuyo bikka kusoleka kwesu mu ciindi eci. Elyo cindi muswaangano wakuya ku makani akale, akube kuti tu limvwe kuti twa cita kabotu mbuli mbo tukonzya. Ko cipa, Mwami. Longezya bakwesu, masenaonse. Longezya boonse lino bayo boola mu muswaangano, a baabo bayo mvwa. Nkambo twa cilomba mu Zina lya Jesu. Ameni.

Inga mwa kkala. Nda lumba, mukwesu.

⁴⁹ Ndi yanda kubweza cibalo sunumasiku, buyo ikuti na Nda ita cibalo, kubandika kuniini kweelela, a kwiita, Jesu... I Kristo, mubwini, ula lizibya mu makkalo oonse. Mu majwi ambi: *I Kulizibya Kwa Kristo Mu Makkalo Oonse.*

⁵⁰ Nkaambo, Bahebrayo 13:8 yakati, "Ngu mbobuca nguwenya, sunu, amuya myaaka." Elyo tu yanda ku—ku bona, nzila mu ziindi zyakaindi, obo Mbwa kabede. Lino, tula ambaula maningi kujatikizya Nguwe, alimwi nco tuli kookuno ca kucita lino nkwaambaula zya Nguwe. Elyo lino, ikuti na Ngu mbobuca nguwenya, sunu, amuya myaaka, alimwi—alimwi ikuti na Wa kabonwa a kuzibwa muli zya jilo, mpawo nkaambonzi kutali sunu? Ikuti na Wa kabonwa a kuzibwa, a kulizibya mu mazuba akainda, mpawo nkaambonzi ta tuciti cintu nciconya sunu?

⁵¹ Tula jana, kuti oyu Muntu mupati, taakwe wakakonzya kusola ku Mu mvwa kakutakwe balo—balo kuyanda kuziba kunji kujatikizya Nguwe. Kuli cintucimwi kujatikizya Nguwe! Eelyo Zina lya Jesu Kristo, takukwe zina limbi ncobeni, kulikoонse, eelyo likweleleyza bantu mbuli leelyo. Calo ncintucimwi kujatikizya Ndilyo!

⁵² Ii muntu, walo, ulizi kuti uzwa kulaale. Alimwi cisitilizyo cacimvule cisiya maningi eco cilengelela akati ka nguwe a kooko nkwa kabede katanasika okuno, alimwi uli zyi kuti weeledo kuunka kunze lya cisitilizyo eco. Alimwi lyoonse ula yandisya kuziba oko nkwa kazwida, obo mbwa bede, a kubusena nkwa uka. Tuli jisi mabbuku ali mamilioni akalembwa, Nda yeeyela,

aa ciiyo. Pele kuli biyo Bbuku lyomwe, alimwi elyo ndya... Ayo mabbuku ali makumi ali cisambomwe acisambomwe muli Lwalyo, li konzya ku kwaambila oko nko kazwa, obo mbobede, a kooko nkoya, nkabela eelyo ndi Bbaibbele. Ndi Ijwi li kwaambila oko nko kazwa, obo mbobede, a kooko nkoya.

⁵³ Bantu banji loko bajisi mizeezo minji loko kujatikizya Kristo, alimwi kapati mu buzuba obuno abo mbo tujisi lino.

Tuli jisi bamwi abo ba Mu lemeka buyo mbuli mwiyi mupati.

⁵⁴ Elyo, Mbwa kabede, pele Wa kali kwiindilila ku mwiyi mupati. Mwabona? Mbwa kabede. Kwakanyina muntu wakali kukanana mbuli Nguwe, pele Wa kali kwiindilila ncobeni ku mwiyi mupati. Pele eco ciboneka kwinda mbuli cikama ca buzumini bwazintu akati ka mambugano manji sunu, ku Mu lemeka buyo mbuli mwiyi, wa takayiisa mbuli Nguwe kale. “Walo mwiyi buyo mupati, simakan ugambya wansiku, na mwiyi, mubwini, kuzwa ku mazuba akainda. Kuyiisa Kwakwe kuli kabotu, alimwi ula konzya kusyoma cibeela ca nkuko, a cibeela ca nkuko nco takonzyi. Pele Wa kali silwiyo lwa zikama zyabuzumini bwazintu!” Mu majwi amwi, ba Mu lemeka kuba cintucimwi mbuli Confucius, ii—ii silwiyo lwa zikama zyabuzumini bwazintu mu Chainizi wa myaanda minji ya myaka yakainda. Lino, Wa kali kwiindilila kukuba mwiyi. Walo ula—Walo ula indilila kuba booboo.

Mpawo bamwi, zya Nguwe, bayeeya zya Nguwe mukuba muntu buyo uli kabotu.

⁵⁵ Ee, Wa, Wa kali muntu uli kabotu. Wa kali biyo Muntu uli kabotu oyo ngo twa kajisi lyonse, wakali Nguwe. Kwa keelede kuba Muntu omwe mubotu wa kutufwida tobantu babi, ku—ku kutubamba kuba bali kabotu, kutali kwiinda ku bweelelo bwesu; kwiinda kucintu eco Muntu uli kabotu nca kacita, waka nununa cikama coonse ca ndiswe, mwabona.

⁵⁶ Alimwi obo mbo cinga caba cabufuba, kumane nzila yomwe biyo ya lununuko, a bubambe bomwe biyo bwa kabambwa, alimwi mpawo kukaka obo. Eco inga caba ii—ii cintu cantenda kucita, kukaka nzila ilikke, bubambe bulikke; obo bwa Leza, bubambe bwa Leza. Kuli mabambe ambi manji; pele Leza ujisi bubambe, nkabela obo bubambe nkwiinda muli Jesu Kristo, alimwi Walo alikke. Takuli kwiinda mu ciyanza cimwi, ciyanza cimwi calwiyo na ciyanza cimwi cakabungwe, na kufumbwa cintu. Nkwiinda muli Jesu Kristo, alimwi Walo alikke. Obo mbo bubambe bwa Leza Butamani, kwiinda muli Nguwe. Leza ula cita zintu mu nzila yomwe lyoonse. Ta cinci nzila Yakwe ya kucicita.

Lino tu jana kuti bamwi balati, “Wa kali musinsimi.”

⁵⁷ Elyo, musinsimi, Mbwa kabede, pele Wa kali kwiinda ku musinsimi. Wa kali musinsimi, a kwiindilila. Alimwi kwakali basinsimi banji. Boonse basinsimi bakafwa ku mulyango wa

lufu, pele oyu Muntu wakabweza zjaluzyo, "lufu, gehena, cuumbwe," mbuli Samusoni mbwa kacita cijazyo caku Gaza, ka cigusya; kabweza lumoola a lufu lwini, a kumenwa mu luzundo, a kubuka aa buzuba bwatatu, kazunda, bamba basyomi Bakwe kuba bazundi bainda. Lwa kazundwa kale. Taakwe cintu cisyeede cakucita pele kweenda cigaminina moonya mukati a lwiimbo lwa bazundi mu myoyo yesu. Walo Ngo muzundi mupati, alimwi Umwi oyo mulemu wakali kwinda ku musinsimi.

⁵⁸ Lino, basinsimi bakali bantu balemu. Tu—tu lizi obo. I Ijwi lyam Mwami lyakasika ku basinsimi; alimwi liboola kuli mbabo, alimwi balo luzutu. Elyo tu jana eco kuba Lugwalo, eco Nco lwaamba. "Ta citi cintu cita Wa ambila balanda Bakwe, basinsimi, lutaanzi." Alimwi bakali bantu balemu, pele oyu Muntu wakali kwiinda ku musinsimi.

⁵⁹ Lino tu jana kuti, mpawo, bantu banji bayeeya kuti Wa kali sikubunganya mbungano, bamba . . . wakali muntu mulemu waka jisi mizeeo milemu, a wakabunganya mambungano, kalizi nzila ya kwaabikka antoomwe.

⁶⁰ Nda kavwa mupaizi kakanana, kutali ciindi cilamfu cainda, wakati, "Jesu Kristo wakabunganya mbungano ntaanzi ya Roma, alimwi Wa kaleelede kuziba nzila ya kucicita."

⁶¹ Lino, Mbungano taakwe niya kabunganisigwa, alimwi Tii yaka talikila mu Rome. Ya katalikila mu Jerusalemu, aa Buzuba bwa Pentekoste, a kutali mu Nicaea, Rome. Elyo Ya . . . Elyo Jesu taakwe naka bunganya cintu. Walo, cintu biyo Nca kacita, nca kwiita. To ka, toka bunganisigwa kuli Kristo; waka zyalwa mu Bwami bwa Leza.

⁶² Nda—Nda kazwaa kwiinda buzuba bwangu bwakuzyalwa, Muvulo wainda, elyo Nda kali myaka ili makumi osanwe ayosanwe yakukomena. Elyo nywebo mulizi, mukwasyi wa Branham tii wakandi lomba kusangana mukwasyi. Nda kazyalwa nkeli muna Branham.

⁶³ Elyo nje nzila mbo tuli Banakristo. Twa kazyalwa buyo kuba Banakristo, ku Nguzu zya bubuke bwa Jesu Kristo. Alimwi tuli Banakristo kwiinda ku kuzyalwa. Oko, oko kutu bamba kuba zilenge zipya. Mu bulenge bwesu bwakale, tii twa kakonzya kuba Banakristo. Ako nke kaambo, sunu, tu jisi kunji loko kwa kuliita lwabo kuba Banakristo, nkabela kaba pona musyobo uli oonse wa buumi; taakwe niba kaciti— . . . taakwe niba kacitikilwa kuzyalulwa oko, eco Cintucimwi ciku cinca, eco cigusya buumi. Mbuli kugwisya bulowa kuzwa ku muntu, alimwi oyo ujisi musyobo umwi wa bulowa, a kubikka musyobo umbi muli nguwe. Nku gwisya buumi bwakale mu muntu, a kunjizya Buumi bwa Kristo mu musyomi, elyo mpawo ulaba cilenge cipy. Walo ncilenge cipy.

⁶⁴ Lino nzila biyo njo tuyu kusola kuziba, a kukonzya kubamba bantu boonse ku kkutila . . .

⁶⁵ Ikuti na Nda buzya i—i ba Pentekoste, sunumasiku, ino muyeeya kuti We elede kuba buti? Balo inga “ba Mu tambula kali wa Pentekoste.” Ikuti na Nda buzya i—i Bakwesu Bakamantene obo Mbwa elede kuba; “Baa, Wa kali wa Bakwesu Bakamantene.” Ikuti na Nda buzya ba Methodisti; “Baa, Wa kali wa Methodisti.” I Baptisti, abamwi bambi.

⁶⁶ Pele lino kuli nzila yomwe biyo ku—ku kukkutya ceeco, a kucicita Camalembe. Lino lyoonse tu yanda ku, aa cibumbili eci, kuba mbubonya mbuli Lugwalo; ikuti na tacili obo, muli sinikizidwe ca bulizi ku boola kuli ndime a—a ku ndilulamika. Lino, ciyanda kuba ca Magwalo.

⁶⁷ Aboobo nzila biyo ya kuziba obo Mbwa bede sunu, nkuziba obo Mbwa kabede. Mwabona? Cakuti, Wa kati, “Ngu mbobuca nguwenya, sunu, amuya myaaka.” Elyo ikuti na twa konzya kuziba Mbwa kabede, mpawo We elede kuba nguwenya sunu, nkaambo Ta cinci. I Bbaibbele lyakati, “Ngu mbobuca,” m-b-o-b-u-c-a, “mbobuca nguwenya, sunu, amuya myaaka.”

⁶⁸ Lino, muli Johane mutaanzi, na Musalali Johane cipati 1, tula jana obo. Nceeci eco mulembi nca kaamba, wakananikwa a Muuya Uusalala, wa kalemba boobu. “Ku matalikilo kwakali Ijwi, a lyalo Ijwi lyakali antoomwe a Leza, elyo Ijwi wakali Leza. Elyo Ijwi lyakaba mu mubili wabantu a kukkanala akati kesu.”

⁶⁹ Akube kuti Ndi cipasaule? “Ku matalikilo wakali Uutamani.” Ta kali Leza akwalo. Leza, bbala lyesu lya Chikuwa leza, nci ii—nci “cintu cikombwa.” Pele, Walo, kwakanyina cakali ku Mu komba. Wa kali Uutamani buyo.

⁷⁰ Muli Nguwe mwakali bube. Uli onse ulizi bube nco bwaamba. Mu majwi amwi, muli Nguwe mwakali miyeeyo Yakwe, miyeeyo buyo, obo mbube Bwakwe. Mpawo, Ijwi Lyakwe. Elyo ii—ii muyeeyo, watondezegwa, ndi Ijwi. “Ku matalikilo kwakali Ijwi.” Kalitana akwalo kutondezegwa, wa kali muyeeyo, bube.

⁷¹ Mu kuyeeya oku, Wa keelede kuba Leza. Antela wakalenga Baangelo, lutaanzi, mpawo Wa kakombwa. Wa kali Leza.

⁷² Elyo, mpawo, muli Nguwe mwakali bube bwakuba Taata, kuba Mwana, kuba Mufutuli. Taakwe cakasweekede; cintucimwi ca keelede kusweeka, aboobo kwakeelede kuba nzila ya ceeco. Kuba Musilisi; taakwe wakacisidwe, aboobo Wa ka jisi cintucimwi cakeelede kuciswa aboobo Wa kakonzya ku ciponya. Nku tondezegwa buyo bube Bwakwe.

⁷³ Elyo lino, amuyeeye, ikuti na wa kasola kucita, na kusola kuyooba a Buumi Butamani, wa kali Bu jisi a Nguwe kaindi. Mwabona, wa kali Bu jisi a Nguwe. Nkaambo, Jesu wakasika, alimwi Jesu wakali Munununi. Ku *nununa* cili conse, nku, “ci josya” kuzwa nko caka wida na kuzwida. Ku *cinununa*, “ci josya.” Elyo yebo, nzila mbo langa, obo mbobede, obo, zina lyako mbo libede, oko kwakali kuyeeya kwa Leza kuzwa ku malengelo

aa inyika. Alimwi Jesu taka sikila kufutula cintu coonse; Wa kali kuyanda ku, pele Wa kasika kuzonununa, kuba josya abo bakali mu miyeeyo Yakwe kuzwa ku malengelo.

⁷⁴ Ako nkekaambo, Wa kali Ijwi lyakaba mu mubili wabantu. Mwabona? "Leza wakali muli Kristo, kayanzanya inyika kuli Lwakwe." I Ijwi, kuyeeya kwa Leza nzila Mbwa kali kuyo cicita, Wa kalitondezya Mwini muli Jesu Kristo. Wa kali Leza kaba cintu.

⁷⁵ Lino, ulaali lino, weeledge kufwa, nkaambo tona . . . Mboli buyo kukkopa cifoto. Uli negativu. Kufumbwa negativu yeedede kuya mu kaanda kamudima, kwiinda mu maasidi, ku kusanzya cifoto, ku kubamba kuba obo mbo cibede. Tuli mu kwezeezya kwa kutondezegwa Kwakwe lino. Yalo ni negativu yaka kkopwa, tuli buumi bwabantu. Pele twe elede kunjila kaanda kamudima, kuselemukila mu cuumbwe, kwiinda mu kusanzigwa, kujokela mu cinkoza; oh, ma, buniini kwalyonse, koonse kucembaala a koonse ku- . . . kubija a zintuzyonse ziyo gwisigwa.

⁷⁶ Mpawo twa nununwa, bube bwa Leza, nkoonya kwakazugwa. Leza, cintu, a Kristo mu Mbungano; mboli buyo mwaalumi a mukaintu wakwe, mbo mbubo, Kristo a Nabwiinga. Nkaambo, ula nununa kujosya, kuyeeya Kwakwe a kuyeeya Kwakwe kula tondezegwa.

⁷⁷ Lino nywebo mwati, "Eco cakatola ciindi cilamfu." Kutali kuli Leza. Tula gola. Twe elede kubinda nconzyo.

⁷⁸ Nda kali kuyeeya. Cindi Ne kazwa mu Jeffersonville, a kweenzya mamaile ali makumi otatwe mu oora, Nda keenzya kutozya ku Birmingham mu buzuba bomwe a busiku aniini, elyo Nda kayeeya kuti eci tii cakaamba kunji kuli ndime. Pele ino kuti kakali kauka kakasola kweenda boobo? Ino inga caamba nzi kuli nkako! Mwabona, ni kaatakonzya mu zyuulu zya ciindi cabuumi. Pele tii cakaamba cintu kuli ndime, kunji kuli ndime. Ino kujatikizya ndeke? Ino kujatikizya jeeti? Mpawo, astronauti? Mpawo, ino kujatikizya Leza?

⁷⁹ Mwabona, Jesu waka jaigwa buyo jilo isikati, mu ciindi ca Leza, ikuti na Wa kajisi ciindi. "Ii myaka ili cuulu mbuzuba bomwe biyo kuli Leza, mboli mbo bwakabede." Ta kuli boobo akwalo. Biyo, "mboli mbo bwakabede, buzuba bomwe." Aboobo eyi tiyyali mvwiki pe, ikuti na muyanda kwiibala kuba ciindi kuli Nguwe, coonse kuzwida ku malengelo aa bulenge, ku cisumpula buyo.

⁸⁰ Leza a miyeeyo Yakwe, kaba cintu, elyo mpawo ku tuleta a Buumi Butamani. Elyo Buumi Butamani, kuli musyobo omwe biyo wa Mbubo, ngu Leza. Elyo mpawo ngu Leza watondezegwa mu Mbungano Yakwe, mboli Leza mbwa katondezegwa mu Mwana Wakwe. Ngu Leza nguwenya mu ciindi coonse. Leza atala lyesu; Leza a ndiswe; Leza muli ndiswe; kaleta cintu coonse nkoonya nkocakazwa.

Lino, "Ku matalikilo kwakali Ijwi."

⁸¹ Lino ikuti na tuyo bandika zya oyo uya kubeteka inyika, baa, inga mwa, muntuumwi inga wati... Nda kamvwa muntu muna Katolika, kati, "Leza uyo beteka inyika kubelesya mbungano ya Katolika." Ikuti na Wa cita, njiili mbungano ya Katolika? Mwabona, ba jisi zimwi zinji loko zyandeene zyabo. I Orthodoxi, Griki, na Romani, na cintu, mwabona, njiili mbungano ya Katolika Njayo belesya kubeteka inyika? Ee, ikuti na Wa ibetesya a mbungano ya Katolika, nkokuti ya Protestant ili zwide. Ikuti na Wa ibetesya a mbungano ya Protestant, nkokuti Katolika ili zwide. Ikuti na Wa ibetesya a Methodisti, Baptisti ili zwide. Ee, nywebo mwati, "Lindila aniini, oonse ali..." Oh, peepe.

⁸² Amuyeeeye, ku matalikilo, umwi, kakwabililwa buyo, zya... kuti Leza wakapa Adamu a Eva, kwakali kukkan kukkan kunze ly Ijwi Lyakwe. Alimwi kuta buyo ku... Saatani taka undulu-... ta kamwaambila kuti tee Lya kali boobo. Wa kaimpya kubalulula buyo kabeela komwe kaniini ka Ndilyo. Alimwi ikuti na kabeela komwe kaniini kakacitya oonse mapenzi aya, malwazi, a kuciswa myoyo, a buusu, kabeela komwe kaniini kayo tugusya kuli Ndilyo.

⁸³ Leza uyo beteka inyika kutali kubelesya nkamu imwi. Uyo beteka inyika kwiinda kuli Jesu Kristo, alimwi Kristo ndi Ijwi. Walo ndi Ijwi. "Kumatalikilo kwakali Ijwi, Ijwi lyakali antoomwe a Leza, alimwi Ijwi wakali Leza. Elyo Ijwi lyakaba mibili wabantu a kukkan akati kesu." Aboobo Walo ndi Ijwi lyaka tondezegwa lya Leza mu bukkalo abumwi. Ula Mu bamba kuba mbobuca nguwenya, sunu, amuya myaaka.

⁸⁴ Wakalizibya Mwini, ku matalikilo antomwe a basinsimi. Lino, amuyeeye, basinsimi abo Mwami mwaaka kananina. Elyo—elyo lino amubone, Wa kalizibya Mwini mu bantunsi, kuzwa nkoonya ku matalikilo, kuzwa nkoonya ku ciindi camatalikilo.

⁸⁵ Uli jisi lyoonse nzila ya kucita zintu, alimwi Ta cinci nzila Yakwe. Ako nke kaambo Nce syoma Ijwi Lyakwe. Ikuti na Leza wakasola kwiitilwa aa cilawo kubamba mucito; alimwi muzeezo oyo Leza ngwa kabamba cindi Na kaitwa aa cilawo, We elede kucita mu nzila njionya ciindi coonse Na itwa aa cilawo, nape Wa kalubizya ku busena butaanzi. Bumbi, ikuti na Wa kaitwa kufutula muntu, Wa kamu futula aa mbaakani imwi; alimwi ikuti na Wa solwa kwiitwa kufutula muntu umbi, We elede kucita nzila njionya Nja kacita ciindi citaanzi, nape Wa ka cilubizya cindi Na kacicitza nzila ntaanzi. Ikuti na Wa solwa kwiitwa aa cilawo ku kuponya muntu, alimwi Wa kamuponya aa mbaakani ya cintu cimwi; ikuti na Wa sola kwiitwa alubo ku kuponya, We elede ku baponya aa mbaakani njionya, nape Wa kalubizya. Elyo Walo mupatikampatila, uulikokonse,

uuuzizyonse. Walo—Walo ngu Leza mupatikampatila, aboobo Ta cinci.

⁸⁶ Lino, tula gola. Tula konzya kwaamba kuti *eci* cili luleme, sunu, juunza tula konzya kujana cintucimwi candeene. Inga twa sumpuka. Tuli jisi mbotu, kuyaka maanda mabotu kwiinda nge twa kacita myaka ili myaanda yakainda. Tu jisi myootokala mibotu kwiinda nji twa kajisi myaka yakainda ili makumi obilo, alimwi tu jisi zyeendelo zibotu, a zimwi zimbi nzo muyanda kunjila. Tuli sumpukide nkaambo tula iya.

⁸⁷ Pele Leza taciti, nkaambo Uli londokede, kuzwa kumatalikilo. Nkikaako, Walo a Ijwi Lyakwe ncimwi, aboobo Ijwi Lyakwe lililondokede. Ikuti na tosyomi booboo, uta soli kuboola mu mundando wa mipailo, nkaambo eyo nje mbaakanii biyo njo konzya kuzumina cintu cili coonse. Lusyomo lukonzya buyo kutomena aa cintucimwi eco ca kasimpe, alimwi lusyomo lwini nconzyo lula litonkomeka lwini aa Mwaala Uutamani wa Ijwi lya Leza Litamani. Talu sanduki. Lula kkala mpoonya awo, nekuba. Kwaambaula makani aa mwaala wa Gibraltar? Oyo Mwaala wa Makkalo mpo lwiimina. I Ijwi tali konzyi kusola kucinca, alimwi lusyomo lutonkomanina aali Leelyo. Kati, “Majulu a nyika ziyo loba, pele Majwi Angu ta kakakilwi.” Baalumi a banakazi abo bakasola kweelela kuli cimwi, bakali baalumi a banakazi abo bakasyoma eco kuba Bwini. Alimwi obo Mbwini. Walo, Ijwi, ndya Bwini.

⁸⁸ Lino tu jana kuti Walo, ku matalikilo, Leza wakaabila Ijwi linji boobu ku bukkalo abumwi, ku bukkalo abumwi—abumwi. Elyo mpawo mbuli Ijwi eelyo ni lyakaba ku ciindi kuli Ndilyo ku kuyubununwa... Muta impyi ceeci. Elyo nicaka boola ciindi ca Ijwi eelyo kuyubununwa, kanji muntu wa kalinyonganya loko, kusikila Wa kabonekela ku musinsimi. Amulingule Magwalo. Mwabona? Lino amuyeeye, Leza uutacinci, Ta konzyi kucinca nzila Zyakwe. Ule elede kucicita cindi coonse mbubonya, kutacinca.

⁸⁹ Andi mupe mukozyanyo omwe. Cindi muntu nakawa, nkabela Leza wakaitwa, naa ku mubikka mu lubeta na ku mubambilza nzila ya kulobokela. Lino, Leza, mu muunda wa Edeni, waka bamba bubambe bomwe bwa kufutula muntu, nzila yomwe, nkabela eyo yakali ya kwiinda mu Bulowa bwakatilwa ibwa mulelwa uutakwekaambo. Ta kasola kwiicinca. Twa soleka kuyaka madolopo, ingazi, kuyiisya, kubunganya, pele zyoonse zyaakakilwa. Leza ukonzya biyo kuswaana muntu kunsi lya Bulowa bwakatilwa ibwa Uutakwekaambo. Wa kacita eco mu muunda wa Edeni, nkabela Tana sola kwiicinca.

⁹⁰ Alimwi Leza tasoli kucinca nzila Zyakwe. Walo, ikuti na Wa citaa, nkokuti Ula gola mbuli Ndime, mbo mubede. Tu laamba, “Ee, Nda kalubizya *alya*, pele Njo—Ndiyo lulama ciindi eci.”

Kutali Leza. Uli luleme kumatalikilo. Ta elede kucinca cintu. Wa kapanga cisyomezyo, alimwi Ngu Leza, Ula kkala kuli ncico.

⁹¹ Mbuli Abrahamu, wa kali lamidwe kuti Leza wakali kukonzya kuzwidilizya cili conse eco Nca kasyomezya, aboobo wa kaita cili coonse kwiimpana ku Ijwi mbuli kuti tii cakaliko. Wa kazumanana buyo mbubunya, kukazya zyasayaansi, zitondezyo zyasayaansi, a kukazya kubuzyabuzya, kukazya bulangisi, kukazya zintuzyonse zyakaliko. Ijwi lya Leza lyakaba litaanzi. Abrahamu wakati, "Akube kuti zintuzyonse zimbi zibe zilubide." Wa kali kuyooba a muvwanda, nekuba. Elyo aboobo wa kamutambula, mwabona, nkaambo wa kacisyoma.

⁹² Lino tu jana kuti, mpawo, kuti Leza uutacinci lyoonse ula cita mbubonya. Lino amubone, cabufwaafwi buyo, mu makani aa ciindi. Amuunke andime lino, kwa maminiti buyo atobela masyoonto. Atu jokele a kuziba.

⁹³ Ku matalikilo Wa kaambaula ku basinsimi, alimwi Ijwi lya Mwami lya kasika ku musinsimi. Elyo musinsimi, mu kukonzya ku kwaamba ziciza, zintu zya buleza, nkabela cakacitika mbubonya mbuli obo, cakali cizibyo cakwe. Ii musinsimi, *mulunguluzi*, caamba, "oyo waamba ziciza na ulungulula," a kwalo ngu, "sikupandulula wa Buleza ku Ijwi lilembedwe." Uli oonse ulizi obo, oyo uuzi eco musinsimi nco caamba.

⁹⁴ Lino bbala lya Chikuwa, *musinsimi*, m-u-s-i-n-s-i-m-i, caamba, "mukambausi," uli oonse buyo ukambauka.

⁹⁵ Pele mulunguluzi wa Cizuminano Cakale, oyo wakali kwaambwa mbuli musinsimi, wa kali umwi wakali kubona zili kumbele. Wa kati, "Ikuti na kuli umwi akati kanu simuuya, na musinsimi, Nde Mwami njolizibya Lwangu kuli nguwe. Elyo cinto ncaamba cila citika, mpawo amu muswiilile; pele ikuti na ta cicitiki, muta swiilili oyo musinsimi, mwabona, nkaambo usinsima cabubeji. Pele ikuti na Nda kamutuma, eco ciyooba cizibyo Cangu, eco ncaamba ciyo citika. Wa kazyalwa mu inyika, wakasalwa, wakasalidwekale a Leza kucita ceeco." Nkaambo, "Zyoonse zipego a kwiitwa tazibooli kwiinda kukweempwa." Zya kasalwakale a Leza.

⁹⁶ Kwalo inyika kiitana talika, Wa kalizi koonse kujatikizya ncico. Wa kalizi ntabwa yoonse, nziniini yoonse, a kuvula kwa mafuta nkoya kalino panga, a kuvula kwa ziindi nkoya kalino laba meso ayo. Oyo—oyo mupatikampatila, mwabona, mupatikampatila. Oyo buyo... Ikuti na tacili obo, nkokuti Tali mupatikampatila. Wa kalizi zintuzyonse. Alimwi Walo ngu... Walo ulizikonse a uuzizyonse. Nkaambo Ngu ulikokonse, oyo ubamba... Uuzizyonse Walo umubamba Uulikokonse. Walo ulizi zintu zyoonse, wakali cizi inyika kiitana talika.

⁹⁷ Wa kalizi, inyika kiitana talika, inga twa kkala awa. Wa kalizi kuvula kwa ziindi Nkwewo tambika maanza angu mujulu aansi. Lino Wa kalizi mabala Ngeye amba. Wa kalizi kuvula kwa

ziindi nkoya kulaba meso ako, eco nco kali kuyo yeeya, inyika kiitana sola kutalika. Ino tu yoowa nzi? Leza ngu Taata wesu. Mbo mbubo. Ngu Taata wesu. Ta tukwe kulibiliika. Bantu baka sweekelwa buyo lusyomo a kaanzambwene kabu muli Nguwe.

⁹⁸ Elyo tu jana kuti eci cila unka ku ziindi, alimwi mpawo ngaayo Majwi Leza nga kakanana kaacitika. Elyo mpawo boonse baka talika kunyongana; elyo mpawo Leza ula tutumina musinsimi aa cilawo, alimwi musinsimi ulasimpikizya Ijwi eelyo lya bukkalo obo, lyoonse. Amwiinde mu Makkalo aa Mbungano, eco nco tweede kuba aco, mubone ikuti na tamu tondezyi bantu abo muciindi ca Makkalo aa Mbungano mbuli mbo twaabona, kuzwida ku i—i baapostolo. Lino amubone eci, alubo.

⁹⁹ Leza wakanana kuli Nowa, alimwi wa kali musinsimi, ka mwaambila makani aceeco cakali kuboola. Wa kasinsima, nkabela caka citika.

¹⁰⁰ Lino ambali kwakasika Josefa. Josefa, mukozyanyo ulondokede, oyo wakali Kristo muli Josefa. Baa, nywebo mwabona, wa kali kuyandwa kuli bawisi, wakasampaulwa kuli babunyina, nkaambo wa kali mulunguluzi. Baka musula, kakutakwe kaambo. I muntu takakonzya kucicinca, obo mbwa kabede mbwa kabede. Elyo babunyina bambi baka musula, ncoonya cikozyano cibotu ca makkalo oonse. Lyoonse, cindi mulunguluzi aboola a cilawo, bamwi babo bala musula, ku kaambo nkakonya nkoba kacitila Josefa. Ta kakonzya kucicinca. Wa ka—... Wa kakonzya kupandulula ziloto zyabo; taa kasola kulubizya. Wa—wa kaamba zintu ziciza; taa kasola kulubizya. Elyo babunyina baka musula, kakutakwe kaambo.

¹⁰¹ Elyo, amubone, buumi bwakwe bwakatondezya Kristo kuli ndiswe, mbubonya. Akwalo kusambalwa, kutandila, nsiliva zili makumi otatwe, waka gwisigwa mu cilindi; a kukkazikwa ku janza lyalulyo ilya Farao, mweendelezi wa inyika ku buzuba obo. Elyo ciindi coonse nakasiya palesi, bakalizya mweembo, a kuti, “Mazwi oonse afugame, nkaambo Josefa ulaboola.” Ii cikozyano cilondokede ca Kristo mu Mileniamu; cindi mweembo waakulila alimwi i... Uya kuyutuka, nkabela mazwi oonse ayo fugama a mulaka oonse uya kwaamba kuli Nguwe.

¹⁰² Amubone, mu ntolongo yakwe, wa kali musinsimi. Nce cindi na kasambalwa a kubikkwa mu ntolongo, ku kaambo ka mukaintu wa Potifa. Mpawo tu jana kuti omuya mujayi silunya a mujiki, bobile ba kajisi ciloto, nkabela wa kapandulula ciloto, nkabela omwe waka nyonyooka a omwe waka futulwa. Mbubonya Jesu mbwakacita aa ciingano, mboonya; omwe waka nyonyooka, omwe waka futuka, cindi Na kali mu ntolongo Yakwe, kagagailidwe aa Ciingano. Mukozyanyo uulondokede nconzyo.

¹⁰³ Tu jana kuti cindi Musa nakasika aa cilawo lino, lino, Musa taka konzya kuboola mu muuya nguonya na nzila njionya, a

mulumbe nguonya oyo—oyo Nowa ngwa kajisi. Bwa kali bukkalo bumbi, ku kuzulizya ijwi limbi. Leza wakati, "Lunyungu lwako luyo endeenda mu nyika nyenzu, akuba ii—ii muzike kwa myaka ili myaanda yone, nkabela Njo bagusya a janza lyanguzu." Pele cindi Musa nakaitwa; wakatola myaka ili makumi one ya kwiiya, mpawo myaka ili makumi one ya kulugusya kuli nguwe alubo, mpawo Leza waka mwiita kwiinda ku Mumuni wiindakugambya, Musumpululu wa Mulilo kuukkede kunze lya citeo ciyaka. Elyo wa kaziba buyo makani aa Leza, mu maminiti osanwe, kwinda mbwa kaiya mu myaka ili makumi one, nkaambo wa kali mu Busyu Bwakwe. Eco ncencico Nce . . .

¹⁰⁴ Cindi muntu nali mu Busyu bwa Leza, mpawo ula ziba cintucimwi. Ula ziba cintucimwi.

¹⁰⁵ Kutali, ta konzyi ku ciiya mu mabbuku. To konzyi kwiiya Leza kwiinda ku mabbuku. Lwiiyo lutola . . . Nywebo mwati, "Ngu D.D.D., Ph.D." Eco cimu tantamuna maningi kuzwa kuli Leza, kuli ndime. Yebo tozibi Leza kwiinda ku lwiiyo.

¹⁰⁶ Ula muziba Leza kwiinda ku lusyomo, alimwi ula Mu syoma. Eyo nje nzila njoziba Leza. Elyo, nekubaboo, nke kaambo Nce yeeya kuti miswaangano yesu, mu Busyu bwa Buleza ibwa Leza, kweelede kupasuka lusyomo lwa bantu ku kuziba ceeco; takukwe makani obo sayansi mbo yaamba, eco sikutasyoma ncaamba. Kristo waka tuminwa ndinywe, basyomi. Muli jisi nguzu zya kubotelwa luswaanano Lwakwe a zilongezyo Zyakwe, a zintuzyonse Nzya kamufwida. Mpawo we.

¹⁰⁷ Taakwe muntu ujisi nguzu zya kukambauka Makanimabotu citakuti wa kafugama aa misenga eyo isetekene kaindi okuya mu Busyu bwa oyo Musumpululu wa Mulilo, a kumvwa Jwi lya Leza kali muvvili. Nywebo mulizi, bukombi sunu bula konzya ku cipandulula kuti taciko, "Alimwi eci cakacitika, nkabela Eco cakamana. Alimwi Eci cakali ca bukkalo bumbi, alimwi eci." Pele muntu wakasola kuswaana Leza, ku meso a meso, a kwaambaula kuli Nguwe, takukwe muna sayansi na dyabulosi, na cintu cimbi, cikonzya kuboola a busena busetekene. Wa kali kokuya nkwa kaswaana Leza, aliwmi ulizi eco ncaambaula, nkabela takuyandikani umwi umbi wa kusoleka ku mwaambilila.

¹⁰⁸ Leza kakanana mu makkalo, kwiinda mu basinsimi Bakwe, kalizibya Mwini ciindi coonse kwiinda mu bukkalo obo bwakasika.

¹⁰⁹ Lino ambali kwakasika Jesu waku Nazareta. Wa kali musinsimi, awalo. I Bbaibbele lyakati Uyo cita. Deutronomo 18:15, Musa wakati, "I Mwami Leza wanu uyo busya musinsimi uli mbuli ndime, alimwi kuli nguwe bantu nkobaya kumvwa."

¹¹⁰ Lino amubone bukkalo abumwi, boonse ba Israyeli, boonse bantu baka syoma boobo, basinsimi, cindi nibakali basinsimi baka lizibya. Bahebrayo theet- . . . Bahebrayo cipati 1, lyakati, "Leza, mu zindi zyakale a mu ziyanza zyandeene waakanana ku

matata kwiinda ku basinsimi; mu mazuba aya akumamanino, kwiinda mu Mwana Wakwe Jesu Kristo.” Nywebo mwabona, kwiinda mu Mwana Wakwe Jesu Kristo. Amubone, tasoli kucinca nzila Yakwe; cintu nciconya, lyoonse abuzumanane bwa Ijwi lya Leza. Leza takasola kubelesya ciyanza, takasola kubelesya kabunga, takasola kubelesya makamu. Walo ubelesya muntu omwe.

¹¹¹ Ikuti na ulimuna Methodisti, Baptisti, kuli kabotu; wa Presbyteria, Pentekoste, oko nkubotu; pele Leza ubeleka a nduwe koli mugame. Ngu nduwe, kutali mbungano yako. Ndo nduwe ujisi mulimo, kutali mbungano yako nco yaamba. Eco Leza nca kaamba kuli nduwe! Ceelede kuba a Ijwi. Iiyi, Leza ubeleka a bagame. Ula cita lyoonse.

¹¹² I basinsimi, takukwe cikolo ca basinsimi. Ba kasola eco ciindi cimwi nkabela caakakilwa. Aboobo ba kajana cuti, Ahabu waka jisi cikama cambabo kumusanza okuya. Pele Leza waka jisi omwe, awalo, wa zina lya Mikaya, oyo boonse bamwi babo ngo bakasula, pele wa kajisi Bwini eelyo, wa ka jisi bwini bwa Ijwi, nkaambo cisinsime cakwe cakali kweendelana ku Ijwi.

¹¹³ Ceelede kuba lyoonse. I musinsimi utuminwa kusimpikizya Ijwi lyaka syomezegwa ku buzuba obo.

¹¹⁴ Lino mboobo ncobeni mbo baakakilwa kubona Jesu. Obo mbombubo. Amulange baalumi abo, abo ba Farisi aba Saduki, basicikolo bapati abo mbe tuta jisi sunu. Beelede kuzyalilwa muli umwi, kuzwa ku mukowa umwi, Levi. Basyanyinakulu babo bapati-bapati-bapati-bapati-bamasyanyinakulu bakali bapaizi, mucindi coonse. Ba kaiya Ijwi eelyo, isikati a masiku, isikati a masiku. Pele cindi Ijwi nilya kasimpikizigwa, teeba kaciziba. Mwabona, bakali jisi kansiyansiya. Jesu wakati, “Nywebo atunsiyansiya twanu mwabamba Ijwi lya Leza kubula nguzu.” Lino, Wa kaboola buyo njionya nzila musinsimi njia kaamba cuti Uyo kusika, pele, nywebo mwabona, bakali jisi kansiyansiya nkabela teeba kakonzya kubona Eco.

¹¹⁵ “Oyu muvwanda wakazyalilwa kumusanza okuya, kuzyalwa kwa musokwe, alimwi mu cilido cang’ombe, mbobuti eco mbo cikonzya kuba? Elyo oyu mulombwana takainka ku cikolo cimwi. Ta kajisi zyeelelo. Ta kajisi kkadi lya luswaanano. Ta kali kuzulilwa ku kabunga kamwi. Tii bakazi cikolo Nkwa kaunka. Mbobuti eci mbo cikonzya kuba cimwi?” Pele cakali obo. Ba akakilwa kubona.

¹¹⁶ Wa kati, “I milimo Nje cita, ilungulula Ndime. Amulingule Magwalo, nkambo muli Ngawo tuyeeya cuti mujisi Buumi Butamani; alimwi Nge Ngawo alungulula, amwaambila Obo Mbwe bede. Alo mbuboni Bwangu, Magwalo.” Kati, “Ikuti na tamu Ndi syomi, amusyome milimo Nje cita. Nji mwaambila Obo Mbwe bede.”

Ba kati, “Tuli jisi Musa. Tu syoma Musa.”

¹¹⁷ Kati, “ikuti nimwali kusyoma Musa, nimwa Ndi syoma; wa kalemba Ndime.” Mwabona?

¹¹⁸ Ba kali kusiya mbi, nkabela teeba kakonzya ku cibona. Ndalibuzya kuti sa eco tacikonzyi kuloolola? Ca kasinsimwa, nyweb mulizi. Ca kasinsimwa, okuya.

Nywebo mwati, “Mu buzuba obuno?” Oh, iiyi.

¹¹⁹ “Sikainya, basikuli-sumpula, basikuyanda misaaloo kwiinda basikuyanda ba Leza, basikujaya zizuminano, basikulengelezya twaabmo twabubeji, batalyeendeleli, basikusampaula abo bali kabotu, kaba jisi ciwa ca bukombi, pele kabakazya Nguzu zyambubo; kotantamuka kuli bali boobo.” Ca kasinsimwa, alimwi cisinsime coonse ceelede kuzulizingwa. Nda libuzya ikuti na twaswena ku ciindi eco. Nda libuzya buyo ikuti na mbo tubede. Atu lange koonse aniini buyo a kubona obo mbo tulibide mu Zioni. Lino tula ziba.

¹²⁰ Atu bone obo Jesu mbwakabede, cindi Na kasika. Wa kali Ijwi. Wa kali Ijwi cakumaninina. Alimwi Ijwi lyoonse lilalulamika. Lila lulamika bulubizi. Nekubakuti bulubizi tabu cisyomi, ciindicimwi, pele Ijwi lila lulamika bulubizi.

¹²¹ Amulange Jesu, ku myaka buyo ili kkumi aibili yakukomena; mulombe muniini kutandila mbuli mulombwana oyu ukkede awa woona, ujisi zyeenzyi mu maulu akwe. Jesu wakali ii—ii mulombe muniini, wakali kutandila myaka ili kkumi aibili yakukomena; takwe bulunguluzi bwaku cikolo oko Nkwa kaunka. Pele baka unka kutala ku Pobwe lya Pasika, elyo cindi niba...na ku Pobwe lya Pentekoste, mubwini. Elyo bakaunka kutala ku pobwe, Josefa a Mariya, a mbunga yoonse kuzwa kunselelo mu munzi. Bakaunka kutala ku Jerusalema. Elyo lweendo lwa mazuba otatwe, bakali kuyeyela kuti Wa kaliko a bantu a bamwi basimukowa okuya. Pele baka Mwi impya. Ba kaunka kuyo kulanga, nkabela Ta kaliko. Ba kapilukila ku Jerusalema nkabela baka Mu jana mu tempele, kakazyanya a bapaizi, kakazyanya a bantu abo.

¹²² Amubone awa, kutali kumucisa nobantu ba Katolika. Pele nywebo nomu bweza Mariya kuba kaleza kanakazi na sikukombelezya, amulangisye awa. Waa kapa bumboni, amu mulangilile kubausya kwakwe ku bumboni bwakwe bwini. Waa kati, “Bauso a Ndime twaka Ku yandaula, e misozi.” Amulange eco nca kacita. Waa kaubausya bumboni bwakwe mwini. Waa kali kwiita Josefa kuba wisi Wakwe.

¹²³ Pele amulangilile. Kana buyo, mulombe buyo muniini, pele Ijwi lyoonse lilalulamika bulubizi. Kati, “Ta muzi na kuti Nde elede kucita mulimo wa Taata Wangu?” I Ijwi mu cibukilambuta, mwabona, lya kalulamika bulubizi.

¹²⁴ Waa kati, “Bauso a Ndime,” Josefa. Nkoonya kumbele lya bapaizi abo, abo mba kaambilide kale kuti waa kamita ku Muuya Uusalala, elyo mpaawa waa kali lungulwide a

kuzibya Josefa mukuba wisi Wakwe, kaubausya bumboni bwakwe mwini.

¹²⁵ Pele amulangilile Ijwi kali busala. Wa kali Ijwi. “Ku matalikilo kwakali Ijwi, a lyalo Ijwi lyakali antoomwe a Leza, elyo Ijwi wakali Leza. Elyo Ijwi lyakaba mu mubili wabuntu a kukkanala akati kesu.” I Ijwi lya kabusala, ku lulamika bulubizi.

¹²⁶ “Sa tamuzi kuti Nde elede kucita mulimo wa Taata Wangu?” Ikuti na Josefa wakali wisi Wakwe, na kali mu cintoolo ca kubezela mapulanga, mu mulimo wakwe. Pele mulimo wa Wisi Wakwe wakali waku tapatila tubunga oto a zintu, alimwi Wa kali kubatapatila kutala okuya, oko Nkwa—oko Nkwa kali kuzulilwa. Wa kali kuba ii—ii ciindi okuya, oko nkoba taka konzya kumvwisyia akwalo mulombe oyu kuti inga nakaziba zili boobo. Pele Wa kali Ijwi. Kwiina muntu waakanana mbuli Nguwe. Eco Nca kaamba, Wa kali jisi bwami ku kucibamba kubeleka.

Abo basinsimi bakacita, abalo, nkaambo bakapona mu oora.

¹²⁷ Wa kali, Wa—Wa kali boonse basinsimi kubambwa muli Omwe, kusanganya eco acalo, nkaambo Wa kali buzule bwa Ijwi. Wa kali Ijwi lyoonse. I basinsimi bakali buyo Ijwi ku bukkalo obo, pele Wa kali Ijwi ku makkalo onse. Wa kali Leza, Mwini, kaseluka a kulyubulula mu mubili wabuntu. “I Ijwi lyakaba mu buntu akukkala akati kesu.”

¹²⁸ Atu langilile nzila Mbwa kalizibya Mwini, kusaanguna Kwakwe, Na kamana kuzwa mu nkanda, kuzwa muku bbizigwa a Muuya Uusalala. Kabbizigwa, a Johane . . . Ngooyu muzeezo umbi muniini ngo mukonzya kujata buyo kamutana kuuyeyea.

¹²⁹ Sena mulizi kuti Bbaibbele lilati, “I Ijwi liboola ku musinsimi”? Ikuti na kuli musinsimi mu nyika, Ijwi liboola kuli nguwe.

¹³⁰ Amulange Johane, wakali musinsimi, umwi mutaanzi ngo baka jisi, mwabona, alimwi wa kali Ijwi musinsimi. Elyo kuciindi nakaimvwi alya, kasinsima, Ijwi lya kamusikila mu maanzi. Jesu wakali Ijwi, wakeenda moonya mu maanzi. Elyo Johane wakati, “Ndi yandikana kubbizigwa kuli Nduwe. Nkaambonzi Yebo uboola kuli ndime?”

¹³¹ Elyo Wa kati, “Kolekela eco kuba boobo, nkambo obu citubamba kuzulizya bululami boonse.” Nkaambonzi? Mpawo Johane mukuba musinsimi, alimwi Walo kali Ijwi, kalizi kuti Wa kali Cituuzyo, aboobo Cituuzyo ca keelede kusanzigwa ka Citana kutuulwa. Aboobo wa kabbizya Jesu, kasanzya Ijwi, Ka litana kutuulwa, nywebo mwabona. Aboobo wa kabbi—. . . Wa kati, “Kocilekela kuba boobo lino, nkambo obu citubamba kuzulizya bululami boonse.”

¹³² Mpawo cindi Na kamu lekela, Jesu wakazwa mu maanzi mpooya awo. Elyo, mubone, majulu aka juka, nkabelwa

kabona Muuya wa Leza, mbuli nziba, kuuseluka aali Nguwe. Elyo Wa katozya mu nkanda, waka sunkwa kwa mazuba ali makumi one, mpawo wakazwa.

¹³³ Atu tobele mulimo Wakwe lino. Tuli mu Musalali Johane 1. Atu langilile citola busena, a kabona obo Mbwa kabede kaindi, mpawo inga twa ziba obo Mbwa bede lino, mpawo. Amu Mu lange mu makkalo akaindi, lino, tuli kutala ku ciindi ca Jesu.

¹³⁴ Mpawo tula jala, ndiza ku cibweza juunza masiku, alya. Tu jisi biyo maminiti masyoonto asyeede.

¹³⁵ Ngooyu Wa boola, kuzwa mu nkanda. I cintu citaanzi, kwakali muntu wa zina lya—lya Andreya. Wa kali kujanika ku mulumbe wa Johane. Elyo Johane wakatalika kwaamba...

¹³⁶ Johane wakaziba kuti wa kali ku—ku yooba sikuzibya Mesiya, nkaambo wa kalaambide, nywebo mulizi. Wisi wakwe—wakwe wakali mupaizi, pele taakwe nakasola kutobela wisi. Ncito yakwe yakali ndemu kapati kuunka kuli cimwi ca zikolo zyabukombi, aboobo wa kaunka mu nkanda kali amyaka ili fuka yakukomena. Wa kalizi kuti wa keelede kuziba, kayandikana kabona citondezyo eco cakali kuyo zibya oyo—oyo wakali Mesiya. Elyo wa kalicizi masimpe loko, wa kalizi kwiitwa kwakwe, wa kali masimpe loko ankuko, mane wa kaliumvwi akati ka cikama ca bantu mbuli boobu, wa kati, “Uli mpoonya akati kanu lino. Kuli Umwi wiimvwi akati kanu, Oyo ngu mutazi. Uyo bbizya kubelesya Muuya Uusalala a Mulilo.” Kati, “Ta ndeeleli akwalo kwaangulula mabbusu Akwe.”

¹³⁷ Elyo mpawo, cintu citaanzi, Jesu wakeenda ncobeni kubusena, nkabela wa kabona citondezyo eco. Wa kati, “Nda bona citondezyo, alimwi Ndili masimpe kuti oyo wali Nguwe.” Elyo wa ka Mu bbizya. Lino cindi Jesu...

¹³⁸ Alimwi kwiina kuzumbauzya kuti Andreya wakali mwaambilide munyina. Lino, munyina wa kabaanga wa... Simooni, wa kali kubaanga nguumwi wabaaba balombwana bayumu batakali kuyanda kusyoma cili coonse. Wa kati, “Nda yeeya eco bataata ncoba kandaambila, wa kati, ‘Mulombe,’ buzuba bumwi wa kati, ‘yebo ulizi, twa kazela, nkabela twa kasyoma Leza ku—ku tupa inswi, ku kubbadela nkongole zyesu a kujana cintucimwi ca kulya.’ Wa kati, ‘Ziindi zinji twa kali kukomba, kaindi baama kabatana kufwa a boonse, ku kutupa kuca kubotu kwa inswi, aboobo twa kali kukonzya kuba a cakulya ca buzuba. Alimwi Nda kalangila lyoonse, mbuli Muhebrayo umwi mubotu mbwa konzya kucita, ku kuboola kwa Mesiya.’ Kati, ‘Lino Ndiya bucumbaala, alimwi Ndi yeeyela kuti Nse ka Mu boni. Pele Ndi yanda ndinywe nobalombe kuziba, katana buyo Walo kulibonya aa cilawo, kuyooba misyobo yoonse ya zintu zya bubeji ziya kubuka, mwabona, pele Ndi yanda kuti muzibe, twe elede kusyoma Ijwi. Musa musinsimi wesu waka twaambila, kuti, ‘I Mwami Leza uyo busya musinsimi.’ Lino tii

twaka jisi musinsimi kwa myaanda a myaanda ya myaka. Pele cindi Mesiya akuboola, Uyo oba musinsimi wakazibwa. Lino, myua ku Mu ziba, nkaambo Uyo oba musinsimi.””

¹³⁹ Elyo mpawo oyu mulombwana wakali kukambauka, kataciti cintu cimbi cita kukambauka, Johane. Aboobo walo, Simooni, taka konzya kutobela oyo.

¹⁴⁰ Aboobo wa kamwaambila kuti Oyu ngwakali kukanana waka boola, aboobo oko kwaka Mu zibya mbuli musinsimi, mwabona, kuti Wa... cintu cakaba, nzila mbo cakacitika.

¹⁴¹ Aboobo Andreya a Simooni bakaselemuka buzuba bumwi, a kusanzya manyandi abo, alimwi bakaselemuka kuyo bona Jesu. Elyo cindi Simooni nakasika, wakazuzila mu Busyu Bwakwe, Jesu waka mulanga a kuti, “Zina lyako ngu Simooni, alimwi uli mwana wa Jonasi.” Eco cakacitika. Wa kaziba mpoonya awo kuti eelyo lyakali Ijwi lyakaba mu mubili. Mwabona, Wa kali lizi.

¹⁴² Nkaambonzi? Bahebrayo cipati 4, kampango ka 12, ako kazizilwe kuli basicikolo boonse bapati, kuteeti, “I Ijwi lya Leza lila bosya kwiinda cceba lya mabemba obilo, alimwi ngu sikutweluka wa miyeeyo amakanze aa moyo.” Mbangaye babali bazi booboo? [Mbunga yaamba, “Ameni.”—Mul.] Nconzyo. Bahebrayo 4, mbo mbubo, 4:12.

¹⁴³ Lino, cindi na ka bona booboo, wa kaziba kuti Ta kaziba biyo kuti wakali ni, Wa kalibazi bawisi abo badaala banaleza, abalo. Wa kaziba mpoonya awo kuti wakali Mesiya. Wa kapegwa zjaluzyo zyaku Bwami, kumane.

¹⁴⁴ Mpawo kwakali mulombwana wakaimvvi awo, wa zina lya Filipo. Aboobo wa kajisi mulombwana wakaiya Bbaibbele a nguwe, oh, kwa myaka minji, alimwi oyo wakali mulombwana wakaulikidwe Nataniyeli. Wa kali kukkanala kutandila mamaile ali kkumi aosanwe, ikuti na tuyanda kukulanga aa maapu, oko nkwa kaunka, kuzunguluka cilundu kuyo jana Nataniyeli. Elyo cindi na kamujana... Wa kali—wa kali muntu ulima micelo. Wa kali kulima maolifa, nkabela wa kali kubusena okuya mu cikama ca tucelo, kakomba. Elyo, mubwini, Nataniyeli, kuzwa awo... na Filipo, mundi jatile. Filipo, nakamana kubona nataniyeli kakomba, wa kali muntu mulomene uyiide kabotu, wa kalindila kusikila na kamana kukomba. Walo, cindi na kaimikila, wa kati, “Yawe! Boola, ubone Oyo ngo twa jana! Jesu waku Nazareta, mwana wa Josefa, oyu ngu—oyu ngu Mesiya ngo tubandika.”

¹⁴⁵ “Oh!” Mpawo swilila ku mulombwana oyu. Kati, “Lino, sa inga kwaba cintu cimwi cibotu cizwa ku nkamu ya bantu bali booboo, kuzwa kuli mbabo?”

¹⁴⁶ Elyo Ndi yeeya kuti wa kamupa bwiinguzi bubotu maningi umwi mbwa konzya. Kati, “Boolah ubone.”

¹⁴⁷ Uta—uta kkali ku muunzi a kukazya. Boolah uzo libonene omwini. Leta Ijwi lyako antomwe ayebo, nkabela atu lilingule

a kuziba mboli bede. Yebo ulizi Ijwi obo mbo lyaamba kuti oyu Mesiya mbwaya kuba. Obo Mbwa kabede jilo, Mbwa bede sunu. Lingula Ijwi, koziba obo Mbwa bede. Naa Walo nkabunga, naa Walo ni nkamu ya bantu, Mbwa bede na? Mwabona?

¹⁴⁸ Aboobo tu jana kuti kubusena okuya baka zunguluka cilundu, alimwi kwiina kuzumbauzya kuti Filipo waka mulungulwida eco Nca kaamba. “Ee, oyo muzeli mudaala wata kajisi lwiyyo lukubwene lwa kusaina risiiti eyo, cindi na kajana inswi ezyo, Wa ka mwaambila kuti wakali ni a ku mwaambila kuti bawisi bakali ni. Inga nsegambwa ikuti na Ta kwaambila kuti nduwensi, cindi wasika okuya.”

“Oh, kozumanana! Njo cibona,” wa kaamba.

¹⁴⁹ Wakeenda nkoonya kunembo mu Busyu Bwakwe, ndiza mbuli boobu, mundando wa mipailo, kufumbwa nkowa kabede. Jesu wakali kukombela baciswa. Elyo cindi Jesu naka mulanga, ciindi citaanzi Na kasola kumu bona, Wa kati, “Amubone mu Israyeli muli nguwe mutakwe luuni.”

¹⁵⁰ Wa kati, “Rabi,” eelyo lyaamba mwiyi, “ndelili Ni wakasola kundi bona? Eci nciindi citaanzi Ne sola ku Kubona. Ndelili Ni wakasola kundi bona?”

¹⁵¹ Wa kati, “Katana kwiita Filipo, cindi noli kunsi lya cisamu, Nda kubona.” Oh, ino ndiso!

¹⁵² Amulagilile i—amulangilile cakajata kumane obo. “Rabi, Uli Mwana wa Leza. Uli Mwaami wa Israyeli.” Oyo mwaalumi wakalizi . . .

¹⁵³ Amulange lwandaano akati kakwe a bapaizi kabaimvvi alya. Balo bapaizi teeba kacisyoma, kakuli ba kaziba kuti caka citika, aboobo bakacita kupa bwiinguzi ku mbunga yabo. Aboobo sa mulizi ncoba kaamba? Ba kati, “Ula cita . . . Walo musondi. Walo ngu Beezebule, dyabulosi. Ngu dyabulosi.”

¹⁵⁴ Elyo Jesu wakati, “Nda mulekelela kuli ceeco,” mulungu tii wakalina bambwa, “pele cindi Muuya Uusalala waakusika,” lino, “a kucita cintu nciconya, bbala lyomwe lya Kuu sampaula taku kajatilwi mu inyika eyi na inyika iciza.” Aboobo mwabona mocinga ca tubikka ikuti ni twa bona cintu nciconya! Mwabona?

¹⁵⁵ Lino tula unka ambele asyoonto buyo. Tu jana kuti, mpawo, kuteeti kuli biyo misela yotatwe ya bantu mu nyika, mikowa yotatwe. Tu lizi obo. Bantu ba Hamu, Shemu, a Jafefi; abo mba Juda, a Basamaria, a Bamasi. Lino, Musamaria ngwa katikati kumu Juda a Munamasi.

¹⁵⁶ Lino tu lizi kuti ba Juda bakali kulangila Mesiya, mbubonya abalo Basamaria. Pele swebo to Bamasi twakali ba Anglo-Saxoni, twa—twa kali kukomba mituni, kali kubbala mifunko, alimwi twakali bahedeni. Tee twakali kulangila Mesiya. Alimwi taakwe Mesiya waka tondezegwa kuli ndiswe, akwalo, naanka

citondezyo Cakwe. Twa kabona muntu keenda, pele kutali citondezyo Camesiya.

¹⁵⁷ Pele kwakali Musamaria. Aboobo Jesu, ciindi cimwi mu lweendo Lwakwe kaselemukila ku Jeriko, waka zunguluka mulundu, “kali kuyandikana kwiinda ku Samaria,” elyo Wa kasika ku munzi uutegwa Sukari. Kwa kali kutandila isikati, ndiza busena bwa cintucimwi mu bubambe bwa boobu awa. Elyo Wa kaunka ku mukalo a kukkanala, alimwi—alimwi waka tuma basikiiya kuya ku kuula zilyo, zyakulya.

¹⁵⁸ Elyo kuciindi nibakali kokuya, mwanakazi, mulindu wacana wamu munzi, wakali kubaanga ngwa mpuwo mbi, waa kajisi balumi banji loko, waa kayutukila ku mukalo. Mubwini, Ta kali ukonzya kuboola antomwe abamwi banakazi, nkaambo, kucili cilengwa, taba konzyi kusangana. Aboobo wa kaboola kuteka maanzi. Elyo cindi na katalika kulosya i—i nongo ya meenda, kuli cakuguja, kuti atekte maanzi waa kamvwa jwi lya Mwaalumi kaliti, “Mwanakazi, ko Ndi letela akunywa.” Elyo waa kalanga koonse, mpaawo kwakali mu Juda. Elyo waa . . .

¹⁵⁹ Kweelede kuti wakabona kucembaala aniini ku musela Wakwe. Kwayanda wakali kulibonya kukomena aniini kwiinda Mbwa kabede. Nywebo mulizi, ba kati mu Musalali Johane 6 okuya, kuti, “Yebo uli Mwaalumi utaindi ku myaka ili makumi osanwe yakukomena, a kwaamba kuti Wa kamu bona Abrahamu? Tu lizi lino kuti Ujisi daimona.” Wa kati, “Katanakuba Abrahamu, Ndime.” Aboobo, pele, Walo, mulimo Wakwe—Wakwe weeblede kuti Wa kamucitya kuba amvwi aniini ndiza, na cintucimwi. Wa kali biyo kutandila makumi otatwe aitatu, pele Wa kali kuboneka kukomena kwinda aniini.

¹⁶⁰ Kati, “Yebo wati, Yebo mukuba mu Juda, a kundi lomba nde mwanakazi Musamaria? Tu jisi lusalululo lwa misyobo. Ta kukwe cintu Yebo . . . Ta tukonzyi ncobeni kucita ceeco. To konzyi, kweelela kucita ceeco.”

¹⁶¹ Wa kati, “Pele ikuti nooli muzi Oyo ngo wambawida, niwa Ndi lomba aakunywa.”

¹⁶² Ncinzi Nca kali kucita? Kucitya mubandi. I Taata wakali Mu tumide kutala okuya, pele Wa kajisi . . . Mpaawa kwakali mwanakazi; eco ceelede kuba ciindi. Aboobo Wa kati, Wa kaambaula kuli nguwe kusikila Wa kajata muuya wakwe, kabona. Mwabona, Ijwi lila tweluka miyeeyo ili mu moyo, nkabela Wa kali Ijwi. Mbangaye basyoma kuti Wa kali Ijwi? [Mbunga yaamba, “Ameni.”—Mul.] Masimpe. Mwabona? Alimwi Ijwi lila tweluka miyeeyo ili mu moyo. Mwabona?

¹⁶³ Wa kati, kajana lyakali penzi lyakwe. Tuli lizyi toonse mbo lyakabede; balumi banji loko. Wa kati, “Koya kalete mulumi wako elyo muboole okuno.”

Waa kati, “Nse jisi mulumi.”

¹⁶⁴ Kati, “Waa mba bwini. Waa kali kujisi bosanwe, alimwi a oyo ngo pona aawe lino tali wako.”

¹⁶⁵ Amulange oyo mwanakazi muubauba. Mwabona, waa kali wide kuzwa ku miyeeyo ya Leza. Waa kali kukonzya kunununwa. Waa kali mulelwa. Waa kali jisi bwiiminizi ku Julu. Waa kanyona.

¹⁶⁶ Amulange lwandaano akati ka nguwe a bakambausi, bapaizi bakwe. Balo bakambausi, cindi niba kacibona, ba kati, “Ee, oyu muntu musondi.” Teeba kalizi Ijwi.

¹⁶⁷ Amulange eco nca kaamba. “Tu lizyi. Munene, We elede kuba musinsimi. Tee twa kajisi omwe kwa myaanda ya myaka. Alimwi tu lizyi, cindi Mesiya aboola, eco Ncayo cita.” Oh, ma!

¹⁶⁸ Inga wakonzya—inga wakonzya kuyiisya Birmingham cintucimwi. Inga wakonzya kuyiisya cintucimwi ku inyika yoonse. Iiyi, munene. Inga wakonzya kuyiisya aya maseminari azyabukombi cintucimwi. Mwabona? “Mbobuca nguwenya, sunu, amuya myaaka.” Amulange, tu . . .

¹⁶⁹ “Munene, Nda kuziba kuti Uli musinsimi.” Mwabona, Wa kabala miyeeyo eyo yakali mu moyo wakwe. Waa kati, “We elede kuba musinsimi. Tu lizyi, to Basamaria. Tula cilangila. Kuya kuboola Mesiya. Tee twa kajisi musinsimi kwa myaka ili myaanda yone. Malaki wakali musinsimi wesu wamamanino, nkabela wa kati kuya kuba sikusololela. Twa kamvwa kwa nguwe, muntu kunselelo lya—lya Jordano okuya, ‘Njo tuma mutumwa Wangu kumbele lya busyu Bwangu, ku kubamba nzila.’ Nda ka kumvwa. Elyo tu langila Mesiya kuboola, cakufwambaana.”

Kati, “Nde Ndime ukhana kuli nduwe.”

¹⁷⁰ Eco caka cibamba. Waa kaunka mu munzi, kati, “Amuboole, mubone Muntu Oyo wandaambilia zintu Nze kacita. Sa oyo tali nguwenya Mesiya?”

¹⁷¹ Beenzuma, ta tujisi ciindi ca kusakana. Pele ikuti na wakali Mesiya ijilo, ngu Mesiya asunu, nkambo Ngu mbobuca nguwenya, sunu. Wa kafwa kutegwa abambe mulungo, ku kubamba ezi zintu kucitika, ku mupa zyoolwe zya kujana kuzwa kuli ceeco Nca kamucitila. Lino, yeeya, ikuti na uli sizibi, waka futulwa ncobeni cindi Jesu nakafwa aa Ciingano, pele weelete ku lusyoma a ku luzumina mbuli kuti ndu lwako, lufutuko lwako lugaminina. Elyo ikuti na uli cisidwe, wa kaponesegwa cindi Jesu naka yaswa nkaambo ka nsotoko zyesu. Ku mibunda Yakwe mwa kaponesegwa.

¹⁷² Lino ikuti na Wa liimvwi awa sunumasiku, kasamide nsuuti eyi Nja kandipa, inga tii kwaba . . . Ikuti na wati, “Kondi ponya, Mwami,” Na takonzya ku kucita. Wa kakucita kale. Mwabona?

¹⁷³ Pele ono ino kuti muntuumwi wanu wati, “Sena inga Jesu waba mu Birmingham, mpawo, sunu?” Iiyi, munene. Wa

kasyomezya kuti Uya kuba. “Mbobuti Mbwa nooli okuno, mu ciimo cili buti?” I Muuya Uusalala, obo Mbwa bede, mbobuca nguwenya, sunu, amuya myaaka. Uli mu ciimo ca Muuya Uusalala.

¹⁷⁴ Lino Nda lombozya ni Ndali jisi ciindi ca kunjizya muyeeyo omwe umbi awa, pele antela Nse kocita. Andi, andi ujane, cakufwambaana ncobeni. Sa mula, sa mula ndilekela maminiti masyoonto? [Mbunga yaamba, “Ameni.”—Mul.] Nse yandi ku mumusya, a kuti muta jani mabbaasi anu.

¹⁷⁵ Jesu wakati, mu Musalali Luka cipati 16, na cipati 17, “Mbuli mbo kwakabede ku mazuba akwa Lota, mbubonya mbo ciyooba akwalo mu kuboola kwa Mwana wa muntu.” Sena Wa ka caamba eco? [Mbunga yaamba, “Ameni.”—Mul.]

¹⁷⁶ Lino amulange mbo cakabede. Wa kali kubala Bbaibbele ndilyonya ndyo tubala, Matalikilo 22 na 19, 20, moonya amuya. Amubone, Wa kali kubala Bbaibbele ndilyonya. Amulange kubambwa kwa Lota. Oh, ino cakali cisi cazibi, ino bwakali busena bwazibi! Mulange mo tubede sunu.

¹⁷⁷ Mulange eco Nca kaamba kuti, “Ii—ii—ii—ii nzyalani yaziba yabumambi; mbyaab, nzyalani yabumambi iyandaula citondezyo. Nkabela bayo citambula, citondezyo ca Jona wakabusigwa kuzwa ku bafu; na kubusigwa mbuli mukuba uuwide, mwida lyia nswi kwa mazuba a masiku otatwe. Mwana wa Muntu, citondezyo ca bubuke, eyo nzyalani yabumambi iyo tambula citondezyo ca bubuke.”

¹⁷⁸ Lino Jesu wakati, “Mbuli mbo kwakabede ku mazuba aa Lota.” Amubone kubambwa. Kwakali Baangelo bobilo kumusanza okuya akati ka bana Sodoma, kabakambauka, batumwa bobile balemu. Kwakali Umwi wa kakkala a Abrahamu.

¹⁷⁹ Elyo balo baka selemukila ku Sodoma okuya, ba kacita zitondezyo. Ba kacita kwiinda kunzi? Ba kakambauka Makanimabotu a kubauma kofwaala. Kukambauka kwabo beni kwa koofwazy bantu. Ikuti na oyo takali Billy Graham wasunu, Nseno bwene omwe. Taku nabede mutumwa pe, mu makkalo oonse, cakuti zina lyakwe lyakasola kumana a -h-a-m, ku mbungano. Amuyeeye, twa kali—twa kali jisi Moody, Sankey, Finney, Knox, Calvin, abamwi, Billy Sunday, pele kutali -h-a-m kusikila ciindi eci; -h-a-m, “taata ku masi.” Nko lili lino, mwabona, kunselelo okuya. Amulange kubambwa kwa Sodoma.

¹⁸⁰ Elyo, amuyeeye, kwakali Muntu waka kkala ambabo okuya, oyo Abrahamu ngwa kaita kuti *Elohimu*, Leza. Amu mulange walo, nzila mbwa kaziba kuti Wa kali Elohimu. Wa kat, “Abrahamu, uli kuli mukaintu wako, Sara?”

Kati, “Uli mu tente, kunze Lyako.”

¹⁸¹ Ii myaka ili myaanda yakukomena. Kati, “Njo muswaya, kweendelana ku cisyomezyo Nce kamupa, ku ciindi ca buumi,” mazuba ambi ali makumi obile alusele. Kali kulangila kwa myaka ili makumi obile, lino. Sara kali makumi ali fuka elyo walo mwaanda. “Njo muswaya kweendelana ku ciindi ca buumi.”

¹⁸² Elyo Sara wakaunka, “huh,” kuli lwakwe, mu tente.

¹⁸³ Wa kati, “Nkaambonzi Sara waseka, kuti ‘huh,’ mu tente, kunze Lyangu?”

¹⁸⁴ Abrahamu waka Mwiita kuti, “Elohimu,” Leza waka yubululwa mu mibili wabuntu. Kalya ii—ii nyama ya moombe, kanya mukupa uuzwa ku ng’ombe, alimwi kalya cinkwa, a zibunge zyamaila; nkabela Leza waka yubululwa mu mibili wabuntu.

¹⁸⁵ Jesu wakati, “Mbuli mbo kwakabede ku mazuba aa Sodoma, mbubonya mbo kuyooba ku kuboola kwa Mwana wa muntu,” cindi Leza nayo liyubulula Mwini alubo mu mibili wabuntu.

¹⁸⁶ Elyo, amuyeeye, eco cakali citondezyo camamanino. Abrahamu wakabona citondezyo a citondezyo a citondezyo. Pele mpaawa wakali Leza, ciindi eci, waka yubululwa mu mibili, alimwi kakonzya kwaambilila Sara eco ncakali kuyeeya, kunze Lyakwe. Cakuti wakaziba kuti lyakali Ijwi, nkaambo Ijwi lila tweluka miyeyo ili mu moyo. Mwabona? Mwa cimvwa? Amu tambike maanza anu na mwacita. [Mbunga yaamba, “Ameni.”—Mul.] Ncibotu. Mwabona? Lino, eco cakali citondezyo camamanino.

¹⁸⁷ Lino, amuyeeye, Abrahamu a nkamu yakwe tee bakali mu Sodoma. Ba kali aanze lya Sodoma, kutali omuya mu inyika eyo yatubungwe; anze okuya, kunze okuya. Mwa bona citondezyo nco baka tambula, milumbe milemu yabupampu na? Pele amulange citondezyo Mbungano yakasalidwe nco yakajana, Abrahamu. G-r-a-h-a-m ntubala tuli cisambomwe, inyika, mweelwe wa muntu. Muntu wakalengwa aa buzuba bwacisambomwe; ngwa cisambomwe. Pele A-b-r-a-h-a-m ntubala tuli ciloba, mwabona, Mbungano yakasalwa kailibonya. Amubone, ba kajana citondezyo eco, Leza waka yubululwa mu mibili.

¹⁸⁸ Elyo Jesu wakati, lino amulange, Luka cipati 17, mu i... “Kuyooba, mbuli mbo kwakabede ku mazuba aa Sodoma, mbubonya mbo kuyooba ku kuboola kwa Mwana wa muntu, cindi Mwana wa muntu ano yubununwa.” Elyo, amuyeeye, cindi Mwana wa muntu, mu mazuba aya akumamanino, ano yubululwa ku bantu Bakwe, kwiinda muli Lwakwe kabeleka akati ka bantu. Johane, mbuli mbo kwakabede mu 14:12, kati, “I milimo eyo Nje cita moyo icita anywebo.”

¹⁸⁹ Elyo twa kasyomezegwa eco, kuboozezya. Jwi lyoonse lili jisi mulumbe kunze lyalyo. Elyo Mulumbe wakali wa, “Kuboozezya

lusyomo kujokela ku Lusyomo lutaanzi.” Malaki 4, “Kuboozezya kujosya Lusyomo ku i...lwa matata, kuyaku bantu.” Ba kaleya kuya mu misyobo yoonse iya zintuzyonse, pele, “Kuboozezya kujokela, alubo, olo Lusyomo.” I Mulumbe wa oora, ngwa, “Kubweeda ku Ijwi!” Leza, i...

¹⁹⁰ Amuyeyye, tu langila Mwana waka syomezegwa. Alimwi tuli Lunyungu lwa Abrahamu. Sa mbo mbubo? [Mbunga yaamba, “Ameni.”—Mul.] Lunyungu lwabwami, kwinda muli Kristo! Alimwi bakali kulangila mwana waka syomezegwa, Izaka. Alimwi Lunyungu lwabwami, sunu, tu langila citondezyo caka syomezegwa. Sa mbo mbubo? [“Ameni.”] I Mwana waka syomezegwa iwa Leza, kubweeda. Elyo i...

¹⁹¹ Ba kali jisi misyobo yoonse ya milumbe, a misyobo yoonse ya zintu Abrahamu nzya kabona. Pele kakutanaba biyo mwana waka syomezegwa, citondezyo camamanino inyika ya Bamasi kiitana nyonyoonwa, kwakali obu: Leza waka yubululwa mu mubili, oyo wakaziba maseseke aa moyo.

¹⁹² Lino eco nce citondezyo camamanino mbungano a Mbungano ya kumuuya ncoi tambula. Eco nce citondezyo camamanino mbungano yakunyama ncoi tambula. Elyo inyika ya Bamasi iyo nyonyoonwa, alimwi ili libambilide kuli ncico ndyoonya lino.

¹⁹³ I nyika ila zungaana koonse, ku mizuzumo yanyika. Nkaambonzi? I ciindi citaanzi muzuzumo wanyika niwa kasola kuzungaanya nyika yoonse, akali ali Bwasanu Bubotu. I ciindi camamanino niwa kazungaanya, akali ali Bwasanu Bubotu bumbi. Ino yaka zungaanina nzi? Nkaambo baakaka Mesiya wabo. Nkaambonzi ya kazungaana alubo? Ba kacita cintu nciconya. Mwabona?

¹⁹⁴ Bukkalo bwa Mbungano ya Laodikeya. Kufumbwa sicikolo mupati ulizi kuti Wa kali anze, kakonkomona, kusola... “Amulange, Nda ima ku mulyango aku konkomona.” [Mukwesu Branham wakonkomona ziindi zyosanwe aa cikambaukilo—Mul.] I bukkalo bwa mbungano bulikke bwakasola ku Mu bikka aanze cakumaninina. Alimwi Kkanso yabapaizi, nce ncico ncobeni ncomwa cita, kupanga ciimo ca caando ca cinyama, a kunjizya omuya. Ee, ino ci... Mbobuti bobilo mbo bakonzya kweenda antoomwe citakuti bazuminana? Alimwi mu kucita ceeco, ba kaka Ijwi alubo; Lili aanze. Talikonzya akwalo kujana kubelekela amwi, kumwi. Mbo mbubo ncobeni.

¹⁹⁵ O Leza, koba aluse! “Jesu Kristo mbobuca nguwenya, sunu, amuya myaaka.”

Atu kotamike mitwe yesu.

¹⁹⁶ Mwami Leza, Ula lizibya Omwini, mu makkalo oonse, Leza. Wa kali Leza mu ciindi cakale Oyo waakanana ku matata kwinda ku basinsimi, mu mazuba aya akumamanino kwinda

mu Mwana Wako, Jesu Kristo; Oyo ngo tuyanda a kusyoma, a kuziba kuti Ngu mbobuca nguwenya, sunu, amuya myaaka, mbuli Mbwa kasyomezya.

¹⁹⁷ Lino, Taata, ndi bbunga bbotu, lusyomo lubotu. Ncitete ku kanana kuli mbabo. Pele, O Mwami, akube kuti olo lusyomo lutante lino, mu mbali iimbi lino, kunjila kuzwa ku kuyeyea kwabuntu. Ba kamvwa eci. Ba kayisigwa eco ku beembeli babo. Balo, baka cilangila, kwa myaka a myaka, yakali kuza. Elyo lino twa komba, Taata, kuti Uyo ciyubununa kuli ndiswe, sunumasiku, kuti Yebo tofwide, pele Ula pona kwalyonse; a kupona akati ka bantu Bako, mbuli Mpana yaku kkuti, akati ka maluba oonse ambi, duba bbotu loko lya zyuulu zili kkumi.

¹⁹⁸ Lino twa komba, O Mpana yaku Kkuti, kuti Yebo uboole kuli ndiswe, sunumasiku. Liyubunune Lwako akati kesu, ku kulizibya Lwako mu bukkalo obu. Nkambo caka syomezegwa, Nda baambila buyo Ijwi, kuti mu mazuba akumamanino, mbuli Sodoma a Gomora, mbo kuyooba Mwana wa muntu anoliyubununa Mwini mbuli Mbwa kacita ku Sodoma a Gomora; Mwana waka syomezegwa katanasika ku basale, nkabela lunyonyooko lwakasika kuli basikukaka. Aboobo Nda komba, Taata, kuti bayo mvwisya ceeci. Alimwi akube kuti Yebo uboole a kuzulizya Ijwi Lyako, eco Nce zyi kuti Ula cita. Mu Zina lya Jesu. Ameni.

¹⁹⁹ Lino, Ndi syoma kuti Billy waamba kuti wa vozya makkadi amwi. Sa mbo mbubo? Amutambike maanza anu ikuti na kuli makkadi avozegwa. Ino nkabala nzi ali ngawo? [Muntu umwi waamba, “B.”—Mul.] B. Ncibotu, B. Atu binde ncobeni lino . . .

²⁰⁰ Njo mulomba cintu comwe, ncakuti amu kkalikile buyo lino. Muta endeendi konse. Amutupe buyo maminiti ali kkumi. Sa mula cita obo? Maminti buyo ali kkumi, na muntu oonse ula kkala buyo cabutontonzi kwa maminiti ali kkumi. Muta endeendi konse. Ncibotu.

²⁰¹ Atu talikile ku mweelwe mutanzi. Nguni ujisi B, mweelwe wani? Cakubinda ncobeni lino, tambika janza lyako. Ikuti tokonzyi . . .

²⁰² I muntu wali kweendela aa kalo, amubone mweelwe wa kkadi lyakwe ilya mupailo mbo libede, ikuti ndilyo. Wabona, sa ujisi kkaadi lya mipailo? Yebo, yebo tojisi lyomwe na? Yaa. [Muntu umwi waamba, “Ndyia foo.”—Mul.] Yaa.

²⁰³ Namba wani, sa Nda wiimpya? [Muntu umwi waamba, “Awa.”—Mul.] Na akube kuti tu talikile kuzwa aamwi ambi, mpawo. Yaa. [Muntu umwi wamba, “Mpoonya awa.”] Oh, Nda lubila. Yaa. Namba wani, namba tuu, thrii. Namba tuu, nyamuka, nkaambo . . . Koimikila cindi, yebo, Nda ita namba yako. Tuu, wani, tuu, thrii, foo. [Muntu umwi waamba, “Mpoonya awa.”] Foo.

²⁰⁴ Faivi. Langa kkadi lyako lino. Faivi. Amuboole mpoonya awa a kupanga mundando muniini. Faivi. Sikisi, sikisi. Seveni, seveni. Ikuti na tokonzyi kwimikila lino, muntumwi atambike janza lyako, tula babweza. Yaa, seveni. Eiti, eiti, eiti. Seveni, eiti. Lino tuli buyo . . . Tuli mukwindilizya ciindi cakubeleka lino.

²⁰⁵ Yaa, oko kuli kabotu, amu mulekele buyo akkale awo kusikila tuli bambile ku mwiita, alimwi amu mubikke moonya mu mundando oko nkwa zulilwa kai. Yaa.

²⁰⁶ Naini, naini. Teeni, teeni. Ileveni, ileveni, ileveni. Amwiime awo, mpawo. Yaa.

²⁰⁷ Mbangaye awa bata jisi kkadi lya mipailo, kakuli muli cisidwe? Amu tambike maanza anu. Ee, amu tambike maanza anu. Mbangaye awa bata ndizyi, tambika janza lyako; uuzi kuti taakwe Nce zyi kujatikizya nduwe, tambika janza lyako. Yaa. Lino amulange nzila eyi a kusyoma lino. Ndi . . . Muntu onse abatame ncobeni.

²⁰⁸ Lino amuyeeye buyo, bbala lyomwe kuzwa kuli Nguwe liyoamba kunji kwiinda Mbwe konzya kukanana mu ciindi cabuumi bwa mwaanda. Mwabona, Nda kakonzya kukambauka Eci. Mbangaye basyoma kuti *Obo Mbwini?* [Mbunga yaamba, “Ameni.”—Mul.] Ncibotu. Lino, ikuti Nca Mbwini, Leza uli sinikizidwe. Ikuti na eelyo ndi Ijwi Lyakwe, eco ncisyomezyo Cakwe, Uli sinikizidwe kucicita. Uli sinikizidwe kusimpikizya Ijwi Lyakwe. Sa mbo mbubo? [“Ameni.”] Elyo ikuti na Ula cicita, sa mula cisyoma? [“Ameni.”] Mula cisyoma.

²⁰⁹ Lino mula konzya kwaamba, “Jesu? Nse langi koonse a ku Mu bona kulikonse.”

²¹⁰ Amulange, ino kuti umwi muntu wanjila omuno kajisi nembe zya mpikili mu maanza akwe, a—a zintu koonse ku meso akwe, a bulowa, a zimwi zimbi? Kufumbwa sikuupaupa inga wacita eco. Elyo, amuyeeye, Jesu tako boola munzila eyo. Cindi Aboola munzila eyo, ciindi tacikabi limbi. Ta kukabi cimbi limbi, cindi Aku boola munzila eyo.

²¹¹ Pele nkaambonzi nconga waziba kuti Wa kali nguwe mpawo ikuti na Wa boola? Nkaambo inga Wa lizibya Mwini kwiinda ku Muuya Wakwe—Wakwe, citondezyo Cakwe, Buumi Bwakwe muli nduwe. “Ndili Musaansa, nywebo muli mitabi.” Lino amuyeeye buyo a kusyoma eco a moyo wanu woonse lino.

²¹² Lino, oyu mundando wanu wamipailo, boonse babo okuya? Ta-Ta ndizi, eiti na teeni. Yaa, oko kuli kabotu. Boola kuno. Juunza masiku tuya kusola kubweza banji. Muntu onse akkalikile kabotu. Lino aba boole buyo, omwe a omwe, mbuli mbo baboola.

²¹³ Lino, mu kutilisya, Ndi yanda boonse abo bali mu mundando oyo wamipailo, abo bazi kuti Nse muzyi, mundando muniini wamipailo awa, abo bazyi kuti Nse muzyi, amutambike

maanza anu; bazyi kuti kwiina Nce zyi kujatikizya ndinywe, nsezyi cintu, ta ndizyi eco cilubide a ndinywe, taakwe muzeezo. Yaa.

²¹⁴ Lino, kubatama kwini, lino amuyeeye buyo mpo twiimvwi. I Ijwi lyá balwa.

²¹⁵ Lino, amuyeeye, Nse konzyi kuponya naba omwe; taakwe mutu umbi ukonzya kuponya naba omwe. Pele lusyomo lwako, muli mbwabede Kristo, nko kuponya. Lino ikuti na Wa liyubununa Mwini awa mbuli Mbwa kacita, kulizibya Mwini mbuli obu Mbwa kacita mu mazuba ambi, ino inga Wa muziba kunzi? [Mbunga yaamba, “Ameni.”—Mul.] Eyo nje nzila biyo Nja kaamba kuti Uyo lizibya Mwini. Eyo nje nzila biyo Nja kalizibya Mwini lyonse. Alimwi Ngu mbobuca nguwenya, sunu, amuya myaaka.

²¹⁶ Aboobo lino ngooyu mwanakazi, mbuli buyo mu Musalali Johane 4. Jesu waka swaana mwanakazi ku mukalo; kwazwaa kutondekwa kuli nguwe maminiti masyoonto ainda. Ngooyu mwaalumi a mwanakazi. Ta ndina mubwene mwanakazi. Waa tambika buyo janza lyakwe, kuti, Ta ndina mubwene alimwi tana ndibwene, aboobo ta tuzibene kumaninina. Walo ujisi buyo kkadi lyá mupailo, alimwi mweelwe wakwe wacita kwiitwa. Sa uli . . .

²¹⁷ [I mucizi waamba, “Peepe, waka ndikombela mu Hammond, Indiana. Ndali kupandulula, kuti, to zyi cintu cimwi kujatikizya buumi bwangu bwabantu, nekuba.”—Mul.]

²¹⁸ Wa ti, ciindi cimwi mu Hammond, Indiana Nda kamu kombela, pele, wati, buumi bwakwe bwabantu, Nse zyi cintu kujatikizya nguwe, nsezi cintu. Ta ndizi cintu ncoli waano, na cimwi. Mubwini, kuli myaanda ya bantu mu mindando ya mipailo, ambweni Nda kali mu miswaangano, a bumwi, mbuli boobo. Pele Ndi pandulula, kuti, Ndi lizi Ta ndizi . . . Leza ku Julu ulizi, eli Bbaibbele ku moyo wangu, inga Nse ibaluka eco, muntuumwi uli kulaale mbuli boobo, muntuumwi waka kombelwa myaka yakaindi ndiza. Hammond, Indiana, eco cakali ciindi cilamfu cakainda, myaka minji yakainda cindi Ne kali mu Hammond, Indiana, myaka yakainda ili lusele na kkumi. Aboobo lino buyo . . .

²¹⁹ Lino ikuti na Mwami Jesu ulandi yubunwida eco ncoli waano lino, eco inga cabamba Musalali Johane 4 kululama nconzyo. Kufumbwa eco cakali mu moyo wako, mpawo Ijwi lila tweluka muyeeyo uli mu moyo, mbuli Jesu mbwa kacita ku mwanakazi ku mukalo. Sa inga wasyoma obo kuba bwini? [I mucizi waamba, “Iiyi.”—Mul.] Inga wacita?

²²⁰ Sa bbunga inga lyá cisyoma kuba bwini? [Mbunga yaamba, “Ameni.”—Mul.]

²²¹ Lino ndeeli janza lyangu atala aa Bbaibbele, kuti Ta ndimuyeyi mwanakazi, inga nseeba a muzeezo. Elyo waa

tambika janza lyakwe, awalo, inga Nse ziba kaambo ncali waano. Kati waa kandi bona mu Hammond, Indiana, kuti inga kwaba . . . Yebo—yebo, umwi aumwi, kwayanda wakali kookuya, nku koonse Nkwe zyi. Inga nseziba, ku muswaangano buyo.

²²² Pele lino akube kuti Mwami Jesu ape ceeći, ikuti na Ula cita. Ta ndaambi kuti Uyo cita.

²²³ Lino Nda bikka muuya aumwi kunsi awa, kunsi lya bweendelezi bwangu, mu Zina lya Jesu Kristo. Lino amuli lemeke maningi.

²²⁴ Ikuti na toli musyomi, inga Nse ku kulwaizya kukkala mu buyake, nkaambo malwazi ala tabukila kuzwa kuli umwi kuya kuluumbi. Tu lizi obo. Mbubonya mapenzi alacita alo. Banji bakaliko kale mu miswaangano nkabela baka bona eco kucitika.

²²⁵ Lino Ndi yanda buyo kwaambaula kuli nduwe mbuli Mwami wesu mbwa kacita ku mwanakazi oyo. Lino, mwabona, uli imvwi alya, kobulide. Alimwi, yebo, antela uli Munakristo. Ta ndizi na mbo bede. Ula ndaambilia ikuti na mbo bede. Alimwi, mpawo, Ndili Munakristo. Lino mbabili, antoomwe, mwaalumi a mwanakazi. Alimwi, mpawo Muuya wa Leza mpouli ano antomwe a cipego, ku kuzibya kuti waambaula kuli Nguwe, eco nco ambaula. Kwayanda nzya mali. Kwayanda nzya kung'anda. Nse jisi muzeezo umwi. Pele kufumbwa mbocibede, ula ziba naa mbwini, na pe, ikuti na Wa ciyubununa.

²²⁶ Calo ncikoto. Ikuti na mbo mbubo, tambika janza lyako. Lino ula syoma? Lino langa. Sena uyanda kundi kwaambile awo eikoto mpo cibede? Cili mu kameneno kako. [I mucizi waamba, “Iiyi.”—Mul.] Ikuti na mbo mbubo, vukauzya janza lyako mbuli boobu. Lino ula syoma na? [“Iiyi, munene.”] Ncibotu. Koya mu lweendo lwako, kolumba buyo Mwami, kuti ula—ula syoma eco.

²²⁷ Boola. Ta tuzibene umwi aumwi, Nda yeeyela, mulindu. [I mucizi waamba, “Iiyi.”—Mul.] Tatu zibene umwi aumwi, pele Leza uli tuzyi tobile. Sena ula syoma kuti Leza inga wandi yubunwida penzi lyako? Sa inga cakugwasya? [“Iiyi.”] Kukucitya kusyoma?

Amu lilemeke nconzyo, lilemeke nconzyo.

²²⁸ Lino, amuyeyeye, kwakali mwanakazi ciindi cimwi oyo wata kajana kkadi limwi lya mupailo, tu laamba. Waa kainda i . . . kaguma moombe wa cikobela Cakwe. Elyo cindi na kacita, Jesu wakanyona a kuti, “Nguni wa Ndi guma?” Sa mbo mbubo? [Mbunga yaamba, “Ameni.”—Mul.]

²²⁹ Waa kajisi penzi lya kuzwa bulowa. Wa kaamba, mu moyo wakwe, “Ikuti na Nda konzya kuguma Muntu ulya, Njo oba kabotu.” Elyo waa ka Mu guma. Elyo waa . . .

Wa kati, “Nguni wa Ndi guma?”

²³⁰ Elyo, baa, awalo Petro waka Mu tapatila, wakati, “Oko inga kwamvika kuti Wali mulwazi wakuyeeya na cintucimwi.” Kat, “Ma! Baa, bantubonse bala Ku guma.”

²³¹ Wa kat, “Inzya, pele Nda gonkelwa. Nda mvwa kuti nsana zyazwa muli Ndime.” Wa kanyonena kumwi a kulanga bbunga kusikila Wa mukajana mwanakazi oyo. Elyo Wa kamwaambila penzi lyakwe lyakuzwa bulowa mbo lyakabede, kuti lyaka ponesegwa. Mula yeeya obo na? [Mbunga yaamba, “Ameni.”—Mul.]

²³² Lino Bbaibbele lyakati, “Sunu,” amulekele bakutausi batu mvwiilile ceeci, “kuti Walo Mupaizi Mupati ndyoonya lino ukonzya kugumwa kwiinda ku kulimvwa kwa kulengauka kjesu.” Sa mbo mbubo? [Bakutausi a mbunga bat, “Ameni.”—Mul.]

²³³ Amu Mu bweze. Kwaamba, “Mwami Leza, ulya mukambausi ta ndizi. Alimwi ndilekele kuguma cikobela Cako. Sa inga Wa kanana kwiinda muli nguwe?” Ikuti na Ngu mbobuca nguwenya amuya myaaka, Uyo cita nzila njionya. Walo muntunsi lino, kabeleka, kanununa bantu Bakwe.

²³⁴ Lino ko komba buyo lino, syoma a moyo wako woonse. Uta zumbauyi. Uta zumbauyi cintu comwe. Syoma zintu zyoonse. Kosyoma buyo a zintuzyonse zili muli nduwe. Syoma.

²³⁵ Lino Ndi yanda buyo—buyo kukwabana a muuya wako, mulindu, kwaambaula buyo kuli nduwe. Sena ula syoma kuti zintu ezi nzya bwini? Ula syoma na kuti Mwami Jesu inga wandi yubunwida kaambo ncoli waano? Ayebo ujisi cikoto. Mbo mbubo. Sena ula syoma kuti inga Wa ndiyubunwida awo mpo cibede? Cili ku magilandiaabwanakazi. [I mucizi waamba, “Iyi.”—Mul.] Alimwi eco cili mu giland, cili muzyalilo. Mbo mbubo. [“Iyi.”] Yaa. Syoma lino, koya, a moyo wako woonse akuba a lusyomo.

²³⁶ Lino gooyu mwaalumi. Ii mwaalumi wakasika ku Mwami Jesu lumwi, nkabela zina lyakwe wakali Simooni, lino, nkabela wa kali kutegwa Petro; Jesu waka mwaambila obo mbwakabede a nkwa kazwida, na kujatikizya ncico. Lino ikuti na Mwami Jesu wakonzya kundi yubunwida kaambo ncoli waano, sa ula kasyoma? Yebo ulizi kuti bweelede kuba bwini, ikuti—ikuti na ula ziba naa mbwini na pe. Pele, yebo, yebo ula ndisyoma kuba mulanda Wakwe. [I mukwesu waamba, “Mbo mbubo. Ndili cizyi.”—Mul.] Yebo ulizi. Ndaku lumba, munene. Ndaku lumba. Akube kuti Mwami aku gwasye lino kusyoma eco a moyo wako woonse.

²³⁷ Nceeci cintu ciniini awa, Ndali kusola biyo ku cimanizya kabotu. [Mukwesu Branham wacinca maikkrofooni—Mul.]

²³⁸ Lino mbuli mbolanga nzila eyi alubo. Iyi, munene. We elede kuti ulanganye kupandulwa kwakupasuka kwacilonda mukati. Mbo mbubo. Ayalo, heniya, ujisi heniya. Sena ula

syoma kuti inga Nda kwaambila kuti nduweni? Sa ula kusyoma? Üli mufundisi, uli—uli mukutausi, nkaambo Nda kubona aa cikambaukilo. Alimwi zina lyako ngu Wallace. [I mukwesu wati, “Uh-huh.”—Mul.] Kosyoma a moyo wako oonse. [“Bulemu!” Mbunga yalumbaizya.] Leza amu longezye. [“Eyo myaka ili makumi obile yakainda, mu Pensacola.”] Ee, ma, ma! Yaa. Koba a lusyomo lino. Uta zumbauzyi. Koba buyo a lusyomo. Syoma lino.

²³⁹ Lino tatu zibene umwi aumwi. Leza uli tuzyi swebo tobilo. Sena ula syoma kuti Mwami Leza inga wa ndaambila cintucimwi kujatikizya nduwe, kaambo ncoli waano, na cintucimwi? Ndi baanga ndabinda, nkaambo bantu bali—bali syankene, nywebo mulizi. Cili... Sena ula syoma kuti inga Wa ndiyubunwida cintucimwi cilubide kuli nduwe? [I mucizi waamba, “Iyi, munene.”—Mul.] Ula cita. Alimwi ulizi kulimywa oko kwa kuuma, mpawo buyo, takukonzyi kuzwa kuli ndime. Oyo Nguwe. [“Iyi.”] Kukubamba kulimvwa ncobeni, mbuli bubotu, bubombe. [“Mbo mbubo.”] Elyo, Eco, sa wakasola kubona cifoto ca Mumuni oyo? [“Iyi.”] Baa, Ngo nguwe ukuzungulukide ndyoonya lino.

²⁴⁰ Lino mulindu uli mukujokela kuzwa kuli ndime. Ula ciswa. Nda mubona, walo ubaanga uli mukulemana. Alimwi ujisi coondamazwi, eco ciyo... [I mucizi wati, “Iyi.”] Mbo mbubo. Ikuti na mbo mbubo, tambika janza lyako. [“Iyi.”] Mbo mbubo. Mpawo akwalo ujisi penzi lya thairodi. [“Mbo mbubo.”] Yebo uciswa thairodi. [“Obo mbwini.”] Obo mbwini. Alimwi mpawo ujisi mapenzi amoyo, a kusinkilwa kuzwa ku moyo wako. [“Iyi.”] Obo mbwini, abwalo. [“Obo mbwini.”] To zwi kokuno pe. Yebo uzwa kumwi kwa musyobo wa cisi oko kuli zinji zya... Yebo uzwa kulaale. Yebo uzwa ku Pennsylvania. [“Iyi, munene, Nkwe zwa.”] Mbo mbubo, uzwa kunselelo okuno. Lino koya ku muunzi akuyooba kabotu. Jesu Kristo wakuponya, wakubamba kuba kabotu.

Bool. Koba a lusyomo lino. Uta zumbauzyi.

²⁴¹ Lino muta, muta puti, akaka muta citi. Aniini buyo lino, tula... ikuti na mula ndipa omwe buyo umbi. Mundipe mulwazi oyu nkabela mpawo tula leka, ikuti na mula ndilekela kuba a mulwazi oyu. Muta puti, akaka muta citi. Ndi lizi Nda mujata kwa ciindi cilamfu loko. Pele, wabona, uli muuya, alimwi Ndili mukukwabana ncobeni aumwi wanu lino. Mwabona? Lino koba a lusyomo.

²⁴² Ndili—Ndili mweenzu kuli nduwe. Nse kuzyi. Kristo uli kuzyi.

²⁴³ Kuli muntu uzumanana kuboola. Oh, ngu oyu, ii—ii mwaalumi ulaamvwi kumutwe uukkede awa, uciswa penzi mu mazwi akwe. Sena ula syoma kuti Leza ula kubamba kuba kabotu, munene, a kukuponya, a penzi eelyo lya mazwi? Alimwi

ula syoma kuti Ula kubamba kuba kabotu na? I mwaalumi nkoonya kunze lya—lya whilucceya awo, ikuti na ula syoma a awoonse... Yebo uciswa penzi lya mazwi. Tambika janza lyako. Yaa. Wa guma Cintucimwi, embo na? Wa Mu guma. Uh-huh. Mbo mbubo.

²⁴⁴ Kwaamba, acimwi, mulindu ukkede uli munsi lyako, mumuni... mukaintu. Sena ula ndisyoma, mucizi, kutegwa ba cizibe kuti cizwa kwa Leza? Sena ula ndisyoma kuba musinsimi Wakwe? Sena ula ndisyoma?

²⁴⁵ Oko nkujokoloka kwa ceeco. [I bubambe bwa kuyungizya kumvwa kujisi kujokoloka kwa zyakumvwida mu auditoriamu—Mul.]

²⁴⁶ Yebo uciswa kufundilila kwa bulowa. Ikuti na mbo mbubo, tambika janza lyako. Yaa, bikka maanza aka ali nguwe, awalo, nkaambo ta kumvwa kabotu awalo. Elyo mpawo ula syoma a moyo wako woonsse, alimwi nywebo nyobile mulaba kabotu.

Ino ba guma nzi?

²⁴⁷ Ngooyu, mulindu wazwaa kujata eco mpawo. Uli kkede nkoonya kusule okuno, ukotamikide mutwe wakwe, ulapaila. Walo upaila ku Mwami kuti amu ponye. Cintu ncali... Walo ula ciswa, ukkede nkoonya ku mamanino aa muncali awo. Walo ujisi kupasukilwa kwa cilonda mwida oko nkwa kombela. Alimwi sa ula syoma kuti Leza ula kuponya, mulindu? Tambika janza lyako. I mwanakazi, muniini wamasusu aasiya kumutwe uusamide magilazi, wali kukomba kuli Leza kuti amuponye. Ta ndimuzyi, nsena mu bwene mu buumi bwangu. Leza ulizi obo. Ikuti na Ndili mweenzu kuli nduwe, vukauzya janza lyako, mulindu. Mbo mbubo, Ta ndizi kujatikizya nduwe. Ee, lino, ulizi kuti obo mbwini, embo na? Yaa, Jesu Kristo wakuponya, ikuti na ula cisyma.

²⁴⁸ Kwaamba, ukkede nkoonya kusule lyakwe, oyo mulindu ukkede awo, ukkede nkoonya kusule lyakwe awo, ula paila, awalo. Tobezya buyo Mumuni oyo. Iiyi. Sena mwaubona oyo Mumuni ulengelela mpoonya awo? Mwabona? Mwabona? Lino amulange. I mulindu waka jisi kupandulwa, pele cintu cini nciyandisya Kristo kucita nku gusya cikoto kuzwa ku kuboko kwakwe. Ula syoma na lino kuti Uyo cicita? Mu... Iiyi, tambika janza lyako. Yaa. Ikuti na ula cisyma, ula konzya ku citambula. Koba buyo a lusyomo, a kuta zumbauzya. Syoma. Ndi...

²⁴⁹ Peepe, mbantu bobilo bandeene. Nda yeeya, mwaalumi oyu; walo mwaalumi *oyu* ukkede awa. Ula syoma, munene, ukkede mpoonya *awa*? Ula syoma na a moyo wako woonsse? Ula syoma na kuti Leza uyo ponya penzi eelyo lya prositeti, kukubamba kuba kabotu? Yebo ujisi penzi lya prositeti. Vukauzya janza lyako, ikuti na mbo mbubo. Mbo mbubo. Lusyomo lwako lukubamba kuba kabotu, munene. Jesu Kristo wakuponya. Nsena mubwene mwaalumi mu buumi bwangu.

²⁵⁰ Sena tamu boni kuti Mpali ano? Sena tamu Mu syoma? [Mbunga yaamba, "Ameni."—Mul.] Sena tamu boni kuti Nguwe?

²⁵¹ Lino amulindile aniini buyo. I... Oh, inzya. Nse syomi kuti Wa kwaambila cintu kujatikiza nduwe, sa Wa cita? Sena ula syoma kuti inga Wa cicta? Ula syoma na kuti inga Nda cicita, kwiinda ku luzyalo a nguzu Zyakwe? Sa cilaba cisyomezyo Cakwe? Yebo uciswa cintucimwi cilubide ku nsingo yako. Wa kali wide, nkabela eci nceca kacicita. Mbo mbubo. Kojokela lino, uya kuba kabotu. Jesu Kristo wakubamba kuba kabotu.

²⁵² Sena mula syoma, muntu onse ula syoma lino a moyo wako woonse na? [Mbunga yaamba, "Ameni."—Mul.] Lino mbangaye basyomi baliko ano? Tambika janza lyako. Moonse mu buyake, atala. Ncibotu, mula syoma. Lino cakubinda ncobeni... Tuli kasimpe, kutandila loko munsi lya cisela caoora ku ciindi. Amu cite ceeci ndyoonya lino. Jesu wakati...

²⁵³ Sena mula syoma kuti Ngu mbobuca nguwenya, sunu, amuya myaaka? Sena mula syoma kuti Wa kasyomezya kucita ceeci mu buzuba obuno? Sena mula syoma kuti eco neitondezyo camamanino eco mbungano eyi ncoiya kubona lino kakutanaba kubonya kwa kuboola kwa Mwami? Sena mula syoma kuti tuli nkoonya ku mamanino, oonse Magwalo azulizigwa, kulibambilila kuboola kwa Mwana?

²⁵⁴ Lino Jesu wakati, "Ezi zitondezyo ziyo batobela abo basyoma." Lino bikka janza lyako aa muntuumwi moonya munsi lyako. Lino, uli musyomi. "Ezi zitondezyo ziyo batobela abo basyoma." Lino ikuti na Ula bamba Ijwi Lyakwe, ku kucita ceeci, Uyo libamba Ijwi Lyakwe ku kucita ceeco, acalo. Lino kopailila muntu uli munsi lyako. Bali mukukukombela. Wabona? Lino utali kombeli lwako. Kombela muntu; bala kukombela.

Lino toonse atu kotamike mitwe yesu kuciindi notukomba.

²⁵⁵ Taata Wakujulu, tuli lumbide kukubona Mesiya wakabuka. Myaka ili cuulu amyaanda ya fuka iya misyobo yoonse ya Iwiiyo lwabukombi a nkamu, pele nekubaboobo, mu mudima wa coonse, Wa kasyomezya kuti Uyo libonya okuno mu mazuba akumamanino, mu buzuba obuno bwa Sodoma, alimwi kuti Uyo liyubununa ku bana ba Abrahamu, bakaitwa, basalidwe. Elyo mpaawa Mpoli, sunumasiku kumane myaka ili cuulu amyaanda ya fuka, Uli muumi ncobeni buyo sunumasiku mbuli mbo kabede cindi Yebo nokaambaula ku mwanakazi ku mukalo. Ngu Leza waka yubululwa mu mibili, lino mu mibili wa Nabwiinga Wakwe, nkambo Nabwiinga a Mulumi mibili omwe. "Aba bobile bali bomwe." Alimwi Mbungano ili mukuba Nabwiinga, ciindi coonse, kwiinda mukusyoma Ijwi, kutegwa Ijwi a Mbungano zyaba bomwe. I Ijwi mu Mbungano, ku kubamba Nabwiinga. I citondezyo camamanino, Leza kalizibya Mwini, Ijwi mu Mbungano.

²⁵⁶ O Leza, aba bantu baamba kuti bala syoma, ba bikka maanza abo ali umwi aumbi. Bali mu kukomba. Langa ansi kuzwa ku Bulemu Bwako, Mwami, langilila. Simpikizya Ijwi lyako. Wa kati, “Ezi zitondezyo ziyo batobela abo basyoma. Ikuti na babikka maanza abo aa balwazi, bayo pona.”

²⁵⁷ O Leza, akube kuti Saatani asweekelwe kujata mu lusyomo lwabo sunumasiku. Akube kuti Leza anjile akubalekela kuziba kuti Wa lizibya Mwini mpoonya awa akati kesu. Alimwi Jesu Kristo Mwana wa Leza mpali ano antomwe andiswe lino, Jesu Kristo wakabuka akulizibya, kali yubununa Mwini. Ciindi citaanzi Wa cita ceecei kuzwida myaka ili cuulu amyaanda ya fuka yakainda, alimwi ngooyu Mpali sunumasiku. Akube kuti Saatani asweekelwe nguzu zyakwe; kutasyoma kwakwe kuzimaane, alimwi akube kuti nguzu zya Kristo wakabuka zinjile mu bantu aba a kuponya umwi aumwi wabo. Elyo twa tanda Saatani. Mu Zina lya Jesu Kristo, ainke kuzwa ku bantu aba ndyoonya lino, kutegwa boonse babe kabotu; kuciindi noba kombi, umwi kuli umbi, a maanza abo ali umwi aumwi. Ko cipa, mu Zina lya Jesu Kristo.

²⁵⁸ Lino amu bikkide buyo maanza anu ali umwi aumbi. Amusyome lino. Amuzumanane kukotamika mitwe yanu, meso anu kafwinyide. Syoma. Ta ndikwe makani oko nkobede, eco cilubide kuli nduwe; eco tacikwe cintu comwe cakucita. Ikuti na Leza, kumane myaka ili cuulu amyaanda ya fuka yakainda, uliimvvi mpoonya awa, kalizibya Mwini, wakabuka kuzwa ku bafu; a kutola bantu bafwika a kulitondezya Mwini, Mesiya mu makkalo oonse, nguwenya Mesiya kacita cintu nciconya kwiinda ku citondezyo nciconya, Wa kabuka kuzwa ku bafu. Kasyomezya kuti Uya kucicita kakutanaba buyo Kuboola Kwakwe Kwabili a lunyonyooko lwa inyika ya Bamasi! Ngooyu Mpali. Tuyo sakana maningi muli ncico mvwiki eyi, mbuli mbo tweenda antomwe. Pele yebo, nkaambonzi ncopengela mvwiki yoonse, kakuli ula konzya kuponesegwa ndyoonya lino? Muntuumwi ubikkide maanza akwe ali nduwe, nduwe. Ii musyomi wabikka maanza akwe ali nduwe. Wa kaamba majwi aya, “Ezi zitondezyo ziyo batobela abo basyoma. Ikuti na babikka maanza abo aa balwazi, bayo oba kabotu.”

²⁵⁹ Sena mula cisyoma a moyo wanu oonse lino? [Mbunga yaamba, “Ameni.”—Mul.] Ikuti na mwa cisyoma a moyo wanu woone, a kusyoma kuti Jesu Kristo Mwana wa Leza wakabuka, Oyo uyo kubeteka ku Mungwala wa Lubeta, mpali ano sunumasiku mu ciimo a muntu wa Muuya Uusalala, alimwi ula liyubununa Mwini kwiinda ku citondezyo Cakwe Camalembe eco Nca kasyomezya ku mutondezya, akuti Wa kali muumi, ngooyu Mpali. Ikuti na ula syoma amoyo wako oonse, aku Mu zumina mbuli Musilisi Wako, Nda kulailila, kwiinda ku Zina Lyakwe a kwiinda mu Zina Lyakwe, kuti wiime ku matende ako

lino a kuzumina kuponesegwa kwako mu Zina ly a Jesu Kristo waku Nazareta. Koima, ikuti na ula kusyoma. Koima.

²⁶⁰ Kuli kabotu. Bantu bazwa ku tulo, babuka kuzwa ku mawhiluceya. Elyo ncibotuloko. Lino amu Mu lumbaizye buyo, nyoonse. Amutambike maanza anu. Lino nciindi ncomu konzya koongolola aku Mu lumbaizya. Sena mula syoma? Kuli bantu bazwa mu mawhiluceya abo, bazwa mu tulo twabo, a koonse, babuka. Atu Mu lumbaizye. Nyoonse amu tambike biyo maanza anu aku Mu lumbaizya. [Mbuga yatangala a kulumbaizya Leza—Mul.]



I KULIZIBYA KWA KRISTO MU MAKKALO OONSE TNG64-0409
(The Identification Of Christ In All Ages)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa muli Bwane mangolezya, Mukubwekangala 9, 1964, ku National Guard Armory mu Birmingham, Alabama, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2020 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org